

মানবজাতির স্বত্ব এবং দায়িত্ব

ও

বাঙ্গালীজাতির সেই দায়িত্ব পালন।

শোভাবাজার ডিবেটীং ক্লাবে
২৪৩৬

শোভাবাজার ডিবেটীং ক্লাবে
শ্রীগোপালচন্দ্র মুখোপাধ্যায় কর্তৃক
পঠিত।

শ্রীশিবদাস ঘোষ কর্তৃক প্রকাশিত।

কলিকাতা।

১নং বাজা নুবকুশেব স্ট্রীটে সচিত্র রাজস্থান বন্ধে

শ্রীমহেন্দ্রনাথ দাস দাস দ্বারা মুদ্রিত।

১৯৩৩ সাল।

মূল্য ১/০ এক আনা মাত্র।

বিজ্ঞাপন ।

শোভাবাজার ডিবেটীং ক্লাবের তৃতীয় বার্ষিকী সাধাবুণ
অবিবেশনে শ্রীযুক্ত বাবু গোপালচন্দ্র মুখোপাধ্যায় কব্জক পণ্ডিত
প্রবন্ধটী শ্রীযুক্ত কুমার নীলকমল দেব বাহাদুর এবং শ্রীযুক্ত
কুমার বিনয়কমল দেব বাহাদুরের আনুকল্যে গ্রন্থাকারে প্রু
শিত হইল ।

এতৎ প্রচাবলক অর্থ শোভাবাজার বেনিভোলেন্ট সোসাই-
টীক কণ্ডে অর্পিত হইবে ।

কলিকাতা

শোভাবাজার বাজবাজী ।

১০৫ নং, ১৮৮৬ ।

প্রকাশক

শ্রীশিবদাস ঘোষ ।

শোভাবাজার বেনিভোলেন্ট

সোসাইটীক সহ-সম্পাদক ।

সূচীপত্র ।

	পৃষ্ঠা ।
মনুষ্য	১
মানবজাতির শ্রেষ্ঠতার কাৰণ	৫
আত্মাব নিকট দায়িত্ব	৭
পার্বীণিক দায়িত্ব	১৮
পারিবাৰিক দায়িত্ব	১৪
সামাজিক দায়িত্ব	২৬
স্বত্ব এবং জাতিগত দায়িত্ব	৩২
জন্মভূমিগত দায়িত্ব	৩৯

২৪৩৩.

মানবজাতির স্বত্ব এবং দায়িত্ব

ও

বাহ্যলীজাতির সেই দায়িত্ব পালন ।



মনুষ্য ।

মানবজাতির উৎপত্তি, সমাজ সংগঠন, এবং উন্নতির ক্রম-
বিকাশের ইতিবৃত্তী মৃত্তিকাগর্ভস্থ বীজের গুণ অঙ্ককাঁবে
আচ্ছন্ন—অজ্ঞাত । তবে এই ঊনবিংশ শতাব্দীতে—এই বিজ্ঞা-
নের বাজড়ে সেই ইতিবৃত্তের মূল তথ্য অনুসন্ধানের চেষ্টা
চলিতেছে । কিন্তু সে সম্বন্ধে বিজ্ঞান আজিও একটা কিছু
শ্ৰীব সিদ্ধান্ত কবিয়া উঠিতে পারে নাই । প্রাণীতত্ত্ববিদ্দিগেব
মতে মনুষ্যজাতি, সাধাবণ জন্তুশ্রেণীর মধ্যেই গণ্য । তবে
মনুষ্যজাতি ক্রমোন্নতিসাধক শক্তিসম্পন্ন বলিয়াই এই অনন্ত
• বিশ্বের অনন্ত জন্তুশ্রেণীকে পশ্চাতে রাখিয়া, সর্বশ্রেষ্ঠাঙ্গন
অধিকার করিয়া লইয়াছে । অধ্যাপক ডাবউইন বলেন, যে
মানবজাতির পূর্বপুরুষগণ বানর ছিলেন ; আমরা সেই বানর-

দিগেব বংশধর। বানর অবস্থা হইতে ক্রমে ক্রমে বহু যুগেব পব আমবা বর্তমান অবস্থা প্রাপ্ত হইবাছি। আমবা বানবেব বংশধর, একথাটা শুনিলে হাসি পার বটে, কিন্তু উনবিংশ শতাব্দীর বিজ্ঞান বলিতেছে, যে ইহার মধ্যে কিছু সত্য থাকি লেও থাকিতে পাবে। কিন্তু আধুনিক প্রাণীতত্ত্ববিদ্ এবং বিজ্ঞানবিদ্দিগেব সহিত প্রাচীন এবং আধুনিক ঋষিদিগেব এসম্বন্ধে মতের মিল দেখা যায় না।

চিন্তাশীল প্রাচীন ঋষিদিগেব মত, যে পুরুষ প্রকৃতির প্রতিকৃতিস্বরূপে মানবমানবী সৃষ্ট। আধুনিক বিলাতী ঋষি চেলসিব ভবিষ্যৎকৃত টমাস কার্নাইল বলেন, “এই অনন্ত বিশ্বসংসারে আমবা বাহা কিছু দেখিতে পাউ, তৎসমস্তই যদি মহান মহেশ্বরের প্রতিকৃতি বলিবা স্বীকার কবি, তাহা হইলে, আমি বলি, সেই সমস্ত প্রতিকৃতির মধ্যে মনুষ্যই সর্বশ্রেষ্ঠ প্রতিকৃতি। প্রাচীন ইহুদীজাতির মধ্যে ‘সেকিনা’ অর্থাৎ জগদীশ্বরের দৃশ্যমান আত্মপ্রকাশ সম্বন্ধে বিখ্যাত সেন্ট থম্পটো-ইমের প্রসিদ্ধ উক্তি আপনাবা অবগত থাকিতে পাবেন, তিনি বলেন, ‘মনুষ্যই ঈশ্বরের প্রকৃত আত্মপ্রকাশ।’ বাস্তবিক তাহাই সত্য। এই উক্তি কেবল বৃথা বখার কথা নহে। ইহা প্রকৃত সত্য কথা। আগাদিগেব অস্তিত্বজ্ঞাপক—আমাদিগেব দেহাভ্যন্তরীণ বিচিত্র বহু—যাহা স্বতঃই বলিতেছে—‘আমি’, ‘সই আমি কি? তাহা স্বর্গীয় নিশ্বাস—তাহা মহান মহেশ্বরের কণ্টক মনুষ্য আত্মপ্রকাশ। এই দেহ—এই ইন্দ্রিয়জ্ঞানবুদ্ধি

প্রভৃতি—এই আমাদের জীবন—এই সমস্ত কি সেই নাম-
 বিহীন পরম পুরুষের আবরণ স্বরূপ নহে? সাধু নোভালিস
 কি বলেন?—তিনি বলেন যে, ‘অনন্ত জগতে কেবল একটি
 মাত্র মন্দির প্রতিষ্ঠিত। সে মন্দিরটি কি?—মানবদেহ। সেই
 মহান আকৃতি নবদেহমন্দির অপেক্ষা পবিত্র মন্দির আব
 কিছুই নাই। আমরা যখন মনুষ্যের নিকট নতমস্তক হই,
 তখন তদ্বাচি সেই মনুষ্যে আত্ম প্রকাশকাবী ঈশ্ববেব পূজা
 করি। আমরা মনুষ্যদেহে হস্তার্পণ কবিলে, স্বর্গকেই স্পর্শ
 কবি।’ একথাগুলি শুনিতে কেবল আলঙ্কারিক উক্তি শ্রেণীতে
 বলিয়া বোধ হয়, কিন্তু বাস্তবিক তাহা নহে। যদি আমা-
 দিগের বিশেষ চিন্তাব মুখে এই কথাগুলি অর্জন করি, তাহা
 হইলে জানিতে পারি, যে একথাগুলি বৈজ্ঞানিক তথ্য স্বরূপ,
 এইরূপ কথাব দ্বাবাই প্রকৃত সত্য প্রকাশ পার। আমরা—
 মনুষ্যজাতি, এই অনন্ত সৃষ্টিক্রম মহান রহস্যরাজির মধ্যে
 রহস্যস্বরূপ—জগদীশ্বরের মহান অঙ্কের বহস্যস্বরূপ।
 আমরা এ বহস্যের মূণ কিছুই বুঝিতে পারি না, এসম্বন্ধে
 কি বলিতে হয়, তাহাও জানি না, কিন্তু যদি আমরা ইচ্ছা
 কবি, তাহা হইলে অবশ্যই উক্ত তথ্য প্রকৃত সত্য বলিয়া
 অনুভব করিতে ও জানিতে পারি।”

বিজ্ঞানবিদ্দিগের সহিত ঋষি কার্লাইলের মতের মিল
 নাই, ইহা বেশ জানা গেল। এই মতভেদের এইমাত্র
 কারণ বলিয়া অনুভব হয়, যে বিজ্ঞানবিদ্ কেবল বিরোধের

চক্ষে এই অনন্ত বিশ্বের প্রতি—অনন্ত বিশ্বের প্রত্যেক দৃশ্যমান পদার্থের প্রতি দৃষ্টি দিতেছেন, ব্যবচ্ছেদ, বিশ্লেষণ দ্বারা প্রকৃতিকে—প্রত্যেক পদার্থকে তন্ন তন্ন—খণ্ড' বিখণ্ড—ছিন্ন বিচ্ছিন্ন—চূর্ণ বিচূর্ণ করিয়া, পাইয়াছেন কেবল পরমাণু ' পরমাণুর পর এপর্যন্ত আর কিছুই পান নাই। সমস্ত খুঁজিয়া, পাতিয়া এত শ্রমেব পর পরমাণু কি, কোথা হইতে আসিল, কে আনিল, কে সৃষ্টি করিল, কিসে হইল, ইহা সিদ্ধান্ত কবিতো এখনও পারেন নাই। কোন পদার্থেই তাঁহারা সৌন্দর্য্য দেখিতে পান না। কোন পদার্থেই তাঁহারা মহান মহেশ্বরের সেই প্রেমমাখা মুখখানি—সেই মহান জলন্তজ্যোতিঃ দেখিতে পান না। কেবল দেখেন—অজ্ঞাত—অজ্ঞেয় শক্তি। কিন্তু কার্লাইল প্রভৃতির ন্যায় প্রাচীন এবং আধুনিক ঋষিগণ যোগের চক্ষে জগতের প্রতি দৃষ্টি দেন, আধ্যাত্মিক প্রেমপূর্ণ জ্ঞানবলে দৃশ্যমান প্রত্যেক পদার্থের মধ্যে—এমন কি সামান্য ধূলিকণার ভিতরেও তাঁহারা অদ্রভেদী হিমালয় অপেক্ষাও মহান ভাব—মহান শক্তি দেখিতে পান। শাবদীয় নিম্নলিখিত নীলিম নৈশাকাশে পূর্ণচন্দ্র প্রাণ খুলিয়া হাসিতেছে, সেই হাসির সঙ্গে নক্ষত্ররাজি হাসিতেছে, ডূর হাসিতেছে, সাগর হাসিতেছে, সমগ্র সৃষ্টি হাসিতেছে, অনন্ত কিরণবাজি হাসিয়া, হাসিয়া অনন্ত বিশ্বে গড়াইয়া পড়িতেছে, কার্লাইলের ন্যায় ঋষি—ঈশ্বরপ্রেমিক সাধু সেই হাসির সঙ্গে সঙ্গে প্রাণে প্রাণে হাসিতেছেন—সেই স্বর্গীয় হাসির তরঙ্গ তাঁহার প্রাণে প্রাণে

মুখ প্রাণিত হইতেছে, সেই হাসিবাশির মধ্যে তিনি সেই মহান মহেশের হাসিমাখা মুখখানি দেখিতেছেন, কিন্তু বিজ্ঞানবিদ ? বিজ্ঞানবিদ দাঁতোটাসি হাসিয়া, বলিতেছেন, 'এত হাসিব ছাড়াছড়ি কিসেব ? টানত একটা গ্রহমাত্র ; কেবল সূর্য্যের কিরণ হরণ করিয়া, তাই আবার বর্ষণ করিতেছে, এতে আবার হাসির কথা কি ? এ আবার আশ্চর্য্য কি ? এতে স্বর্গীয় সৌন্দর্য্য কি ?' আমি বলি, এইরূপে দুইশ্রেণী দুই চক্ষে দেখেন বলিয়াই মতভেদ ।

মানবজাতির শ্রেষ্ঠতাব কাবণ ।

দুইশ্রেণীর মধ্যে বতই কেন মতভেদ থাকুক না, মানুষ-জাতি যে জীবশ্রেষ্ঠ, সে সহজে কাহারও দ্বিমত নাই। একমাত্র কার্যসাধক বিবেকবুদ্ধিজ্ঞানসম্পন্ন বলিয়াই মানবজাতি এই শ্রেষ্ঠতা অধিকার করিয়াই ক্ষান্ত হন নাই, ক্রমশঃ শ্রেষ্ঠতার উৎকর্ষ সাধন করিতেছে। সেই কার্যসাধক বিবেকবুদ্ধি-জ্ঞানটী মাধ্যাকর্ষণী শক্তিরূপ। মাধ্যাকর্ষণী শক্তি যেকোন এই অনন্ত বিশ্বের অনন্ত গ্রহনক্ষত্রকে স্ব স্ব স্থানে অবস্থিত করিয়া অনন্ত বিশ্বের কার্য চালাইতেছে, সেই মাধ্যাকর্ষণী শক্তি যেমন কোন একটীমাত্র গ্রহবিশেষ হইতে উৎপন্ন নহে বা কোন একটীমাত্র গ্রহের শক্তিরূপ নহে, সেইমত কার্যসাধক বিবেকবুদ্ধিজ্ঞান আমাদের মনবাজ্যের ক্রিয়া সাধন করিতেছে, মনের সকল বৃত্তিকেই যথাযথ স্থানে রাখিয়া—সকলগুলিকে সকলগুলির অধীনে স্বৈচ্ছাপ্রবৃত্তভাবে

রাধিরা, সকলগুলিকে যেন একটা স্ত্রে বাধিরা কার্য চালনে-
তেছে। মাধ্যাকর্ষণী শক্তি যেমন কোন একটা গ্রহজাত নহে,
কার্যসাধক বিবেকবুদ্ধিজ্ঞানও সেইমত মনের কোন একটা
বৃত্তি হইতে উৎপন্ন নহে, সেটা মনের সমস্ত বৃত্তির একত্র
সংমিলনজাত ক্রিয়া সাধক। সেই কার্যসাধক বিবেকবুদ্ধি-
জ্ঞান অনুদিনই আমাদিগকে স্মরণ কবিয়া দিতেছে, যে
আমরা কে ? আমরা কোথায় আসিরা দাঁড়াইরাছি ? আমা-
দিগের কি কি কাজ করিবার শক্তি আছে ? আমাদিগের স্বভ
কি ? আমাদিগের দায়িত্ব কি ? এবং আমাদিগের কর্তব্য কর্ম
কি ? সেই কার্যসাধক বিবেকবুদ্ধিজ্ঞানই মনুষ্যজাতিব
শ্রেষ্ঠতা প্রাপ্তির একমাত্র মূল। সেই কার্যসাধক বিবেকবুদ্ধি-
জ্ঞান মনুষ্য ব্যতীত অন্য কোন জীব জন্তুর নাই। নাই
বলিয়াই তাহারা পশ্চাতে পড়িরা আছে।

আমরা যেমন কার্যসাধক বিবেকবুদ্ধিজ্ঞান পাইরাছি,
সেইমত সেই সঙ্গে সঙ্গে কতকগুলি গুরুতব দায়িত্বভাব আমা-
দিগের স্বন্ধে অর্পিত হইরাছে। কতকগুলি সাধারণ দায়িত্ব
জীবজন্তু মাত্রেই আছে, কিন্তু মনুষ্যজাতির পক্ষে সেই
সাধারণ দায়িত্ব ব্যতীত আরও অনেকগুলি একরূপ দায়িত্ব
আছে, বাহা অন্য জীবজন্তুব নাই। সেই দায়িত্বগুলি
পালন কবাই মনুষ্য মাত্রেই অবশ্য কর্তব্য কর্ম। আমরা
এজগতে মানবমানবী ব্যতীত দানবদানবী, দেবদেবী কথ
শুনিতে পাই। কিন্তু আমি বলি যে, দানবদানবীর জন্ম

স্বতন্ত্র জগত বা দেবদেবীর জন্য স্বতন্ত্র স্বর্গ নাই। এই জগতই মানবমানসী, দানবদানবী, এবং দেবদেবীর আশ্রম। জীবজন্তু মাত্রেরই যে কতকগুলি সাধারণ সহজ দায়িত্ব আছে, যে কেবল সেই জন্তুর ন্যায় সাধারণ সহজ দায়িত্ব পালন করিয়াই ক্ষান্ত, সে নরদেহধারী হইলেও জন্তু-মানব নহে। আর যে সেই সাধারণ সহজ দায়িত্বের মস্তকে পদাঘাত কবে, সে মানবাকৃতিবিশিষ্ট হইয়া, মানব-সমাজে থাকিলেও সে দানব। যে সেই সাধারণ দায়িত্ব ব্যতীত গুরুতর দায়িত্ব গুলির মধ্যে অধিকাংশ পালন করে, সেই-ই মনুষ্যত্ব প্রাপ্ত হয়, সেই-ই মানব। আর যে মানব, সমগ্র গুরুতর দায়িত্ব পালন করেন, তিনিই এজগতে দৃশ্যমান পূজ্য দেবতা। হৃৎখের বিষয় সেক্ষেপ দেবতা এজগতে বড়ই ছলভ।

আত্মাব নিকট দায়িত্ব।

এখন দায়িত্বের কথা বলা যাউক। প্রথম—আত্মার নিকট মনুষ্যের দায়িত্ব। কেহ পূর্বজন্ম বা পরজন্ম মানুষ বা না মানুষ, জীব স্বীয় কর্মফলে সুখ দুঃখ ভোগ করে, ইহাও স্বীকার করুন বা না করুন, আত্মার উন্নতি, আত্মার পবিত্রতা এবং আত্মাব সন্তোষ ও শান্তিসাধন কিন্তু সফল মতবাদীরই প্রার্থনীয়। কিন্তু যাহারা আত্মার অস্তিত্ব স্বীকার করেন না, তাহাদিগেব নিকট আত্মার কিছুই বক্তব্য নাই। যাহা হউক কার্যসাধক বিবেকবুদ্ধিজ্ঞান সর্বাগ্রে আত্মাদিগকে আত্মার দায়িত্ব পালন করিতে বলিতেছে। আত্মার জন্য মনুষ্য

পবিত্রতা, সন্তোষ এবং শান্তি সংগ্রহ কবিত্তে সৰ্ব্বাদৌ-
 বাধ্য। ঋষিদিগেব মত আমাদিগের আত্মা, পবমাত্মার
 অংশস্বরূপ। আমাদিগেব দেহমন্দিবে প্রতিষ্ঠিত দেবতা
 সেই আত্মা। সেই আত্মাব পবিত্রতা বক্ষা কবিত্তে ঋষি-
 লেই মনুষ্যের আত্মার নিকট দায়ীত্ব পালন কবা হয়।
 পবিত্রতা বক্ষা না করিত্তে পারিলেই মনুষ্য পিশাচে পবিণত
 হয়। সেই আত্মার তুষ্টিতে জগৎ তুষ্টি, এবং জগতেব তুষ্টিতে
 সেই মহান মহেশ্বর তুষ্টি করেন। সেই আত্মাব পবিত্রতা এবং
 তুষ্টি সাধন করিত্তে পারিলে সহজেই শান্তি আসিয়া দেখা
 দেয়। শান্তি আসিয়া, আত্মাব সহিত পরমাত্মার অচ্ছেদ্য
 সংযোগ সাধন করিবা দেয়। সেই শান্তিতে—সেই সংযোগেই
 জীবের মুক্তি।

যে মানব আত্মার দায়ীত্ব পালন করিত্তে সক্ষম হয়, সে
 সহজেই অন্যান্য সমস্ত দায়ীত্ব পালন করিত্তে পারে। আত্মাব
 দায়ীত্ব পালনের প্রথম বিধান—সৰ্ব্বজীবে সমভাবে দৃষ্টি
 দান। যে মানব সেই সৰ্ব্বজীবে সমনেত্রে দৃষ্টি দান কবিত্তে
 পাবেন, তাঁহাব পক্ষে কেবল আত্মাব দায়ীত্ব পালনের পথ
 পরিষ্কার হয় না। তাঁহাব পক্ষে সকল দায়ীত্ব পালনই সহজ-
 সাধ্য হইয়া উঠে। পাশ্চাত্য জগতে আজকাল সাম্যেব বড়ই
 দোহাই পড়িযাছে। সাম্যের ধ্বনি প্রতিধ্বনি সৰ্বত্র ছুটি
 তেছে—ভাবতবর্ষেও তাহার প্রতিঘাতধ্বনি আসিয়াছে। কিন্তু
 আমাদিগের মূনিঋষিগণের সেই প্রাচীন সাম্যের সঙ্কিত

বিলাতী সাম্যের অনেক বিভিন্নতা আছে। বিলাতী সাম্য কেবল একদৈশদর্শী—কেবল সকল মনুষ্যের সমান স্বত্ব, স্বাধীনতা এবং অধিকার ঘোষণা করিতেছে, সকল জীবে নহে। আবার যাহা ঘোষণা করিতেছে, তাহাও মুখে, কার্যে নহে। যেখানে যেখানে কার্যে কবিতেছে, সেখানে সেখানে সার্বভৌমিক সাম্য নহে—কেবল স্বজাতিগত সাম্যের দোহাই দিতেছে। সেই স্বজাতিগত সাম্যও আবার আজি পর্যন্ত পূর্ণতা প্রাপ্ত হয় নাই, আজিও বৈষম্য বিবাজমান। সাম্য-স্বাধীনতার লীলাক্ষেত্র সৌবকিবিটানী ইংল্যাণ্ড, সাম্যের কি ব্যাখ্যা করিতেছে? ইংল্যাণ্ড, স্কটল্যাণ্ড, ওয়েলস, এবং আয়ারল্যাণ্ডের প্রতি দৃষ্টি দান করিলে আমরা কি দেখি? যে খাঁটি ইংবাজজাতির মধ্যে যে সাম্য দেখি, ইংরাজ এবং স্কচের মধ্যে সে সাম্য নাই। আবার ইংবাজ এবং স্কচের মধ্যে যে সাম্য আছে, আয়ারল্যাণ্ডে তাহাব কিছুই নাই—সেখানে বৈষম্যের রাজত্ব। সেই বৈষম্য দূর কবিবাব জন্য আইরিসজাতি একজন মনুষ্যের ন্যায় দণ্ডায়মান, আর এক দিকে ইংবাজজাতির পাশবিক বল, সাম্যের মস্তকে পদাঘাত করিতে নিযুক্ত। বৃদ্ধ মন্ত্রী গ্লাডষ্টোন, সেই বৈষম্য কতক পুৰিমাণে দূর করিতে অগ্রসর হওয়ায় সমগ্র ইংরাজজাতি—এমন কি যে র্যাডিক্যালিগন সাম্যের প্রধান উপাসক সেই র্যাডিক্যালিগন পর্যন্ত বৃদ্ধ মন্ত্রী গ্লাডষ্টোনকে—যাহাব নামে আজি ইংরাজজাতি গোঁববাসিত—সেই গ্লাডষ্টোনকে একঘরে

করিয়া ফেলিয়াছেন। সাম্যের লীলাক্ষেত্রে এই বৈষম্যের পূজা—বৈষম্যেব এত আদর। আর এক দৃষ্টান্ত—গ্রেট-ব্রিটেন এবং আয়ারল্যান্ডের সহিত ব্রিটিশ উপনিবেশ সমূহের তুলনা কর, সাম্যেব আব একমূর্তি দেখিবে। আবার সেই উপনিবেশগুলির সহিত ভারতবর্ষের তুলনা কর, আর এক দৃশ্য দেখিবে। ভারতবর্ষ, ব্রিটিশ বাজমুকুটের সমুজ্জ্বল মণি। ইংবাজ, মুখে স্বীকার করুন বা না করুন, তাঁহাদিগের হৃদয় বলিতেছে, ভারতবর্ষের বলেই ইংবাজ বলী, ভারত অধিকার ক্ষেত্রেই ক্ষুদ্র দ্বীপ ইংল্যান্ড আজি সমগ্র জগতে গৌরবান্বিত। কিন্তু ভারতে সেই ইংবাজ-পূজিত সাম্য কোথায়? হিমালয় হইতে কল্যা কুমারী—কোয়েটা হইতে ভামো পর্য্যন্ত দেখ, কেবল বৈষম্যের রাজত্ব। দেখিবে বৈষম্যেব বিষম্বহি ধু ধু কবিয়া অলিতেছে,—সমস্ত ছাবথার কবিত্তেছে, ভারতকে অনন্ত শ্মশানে পরিণত করিতেছে। হিন্দুত মুসলমানে, পারসীতে মহারাষ্ট্রে, বাজপুতে বাঙ্গালীতে বাহাতে মিশ না যায়—বাহাতে সাম্য স্থান না পায়, দেখিবে, ইংরাজের কেবল সেই চেষ্টা। তাই বলি বিলাতী সাম্যে এবং আমাদিগের মুনিঋষিদিগেব মতানুযায়ী সর্বজীবে সমভাবে দৃষ্টিদানে অনেক বিভিন্নতা আছে। মানব যখন যোগে মগ্ন হইয়া জ্ঞানবলে সমগ্র বিশ্বে—অত্যাচ্চ হিমালয় হইতে সামান্য পরমাণু পর্য্যন্তে ঈশ্বরের অস্তিত্ব দেখিবে, যখন প্রত্যেক পদার্থে তন্ময় জ্ঞান সন্নিবে, তখনই সে সর্বজীবে সমভাবে দৃষ্টি দান

কবিবে। তখন তাহার নিকট আর তেদ কিছুই থাকিবে না। তখনই প্রকৃত সাম্যের পূজা হইবে। বৈষম্য কি তাহা তখন সে ভুলিয়া যাইবে। তখন আত্মার দায়ীত্ব প্রকৃতরূপে পালিত হইবে। অনেকেই বলিতে পাবেন যে, সংসারির পক্ষে সেই তন্ময়দৃষ্টিজ্ঞান লাভ অসম্ভব। সেটা বড় ভুল। সকল আশ্রম অপেক্ষা সংসার-আশ্রম সর্বশ্রেষ্ঠ। সংসারশ্রমে থাকিয়া মনুষ্য যেকোন সকল দায়ীত্ব পালন করিতে পারে, সংসাবিরাগী বোগী যেকোন কখনই পারেন না। তবে মানবজাতির বর্তমান অবস্থা যেকোন শোচনীয়, তাহাতে বর্তমান সংসারে থাকিয়া সকলেব পক্ষে সেই জ্ঞানলাভ অবশ্যই সম্ভবসাধ্য নহে।

আত্মাব সেই দায়ীত্ব পালনের দুটা উপায়—ধর্ম এবং নীতি। ধৃতি, ক্ষমা, দম, অস্তেয়, ইন্দ্রিয়নিগ্রহ প্রভৃতি ধর্মের কয়েকটা লক্ষণ এবং সত্য ও ন্যায়ের সম্মান রক্ষা, মিথ্যাকথা, পবিত্রব্য হরণ, পবেব অনিষ্টসাধন গর্হিত প্রভৃতি যে কয়টা বিধান আছে, তাহা কেবল হিন্দুধর্মে নহে, মুসল-ধর্ম, খৃষ্টানধর্ম প্রভৃতি সকল ধর্মেই দেখিতে পাই। ধর্মের মৌলিক নীতি সকল ধর্মেরই এক, কেবল অনুষ্ঠান পদ্ধতি এবং ব্যবস্থা বিভিন্ন। এখনকার যে সকল পাশ্চাত্য পণ্ডিত ঈশ্বরকে উড়াইয়া দিতেছেন, তাহারাও কোন এক ধর্ম না মানুন, ধর্মের লক্ষণ এবং বিধিগুলি অন্ততঃ অলক্ষ্যে পালন করিতে ক্ষান্ত নহেন।

যখন সকল ধর্মের সকল লোকেই মুক্তি আছে, তখন ধর্ম সম্বন্ধে মনুষ্য মাত্রকেই স্বাধীনতা দেওয়া ন্যায়েব আদেশ। এখন খৃষ্টান পিতা মাতা, আতুড়ঘবেই জর্ডানেব জলে পুত্র কন্যাকে পবিত্র ক্রিয়া তাহাদিগকে খৃষ্টধর্মে দীক্ষিত কবেন। মুসলমান এবং হিন্দুজাতিও শৈশব হইতে পুত্র কন্যাদিগকে স্বীয় স্বীয় ধর্মে দীক্ষিত কবেন। কিন্তু তাহা অন্যায়। ধর্ম সম্বন্ধে যখন শিশুব কোন জ্ঞান নাই, তখন পিতামাতা তাহাকে ধর্মশিক্ষা দিতে বাধ্য, কিন্তু তাহাকে পিতামাতার ইচ্ছানুসাবে দীক্ষিত' কবা অবশ্যই অন্তায়। পুত্র কন্যা জ্ঞানলাভ কবিয়া, শিক্ষালাভ কবিয়া, যে ধর্মে তাহাব বিশ্বাস জন্মিবে, সেই ধর্মই তাহাকে অবলম্বন কাবতে দেওয়াই বিহিত। ঘোব' তান্ত্রিক—ঘোব শাক্তেব পুত্র যদি বৈষ্ণব হইতে চায়, হউক, তাহাকে বলপূর্বক তান্ত্রিক বা শাক্ত কবা কি ন্যায়সঙ্গত? খৃষ্টানের পুত্র যদি খৃষ্টকে জ্ঞানকর্তাব পরিবর্তে কেবল মহাপুরুষ জ্ঞান কবিয়া, কেবল একমাত্র ঈশবে আত্ম সমর্পণ কবিতে চায়, তাহাকে তাহাই কবিতে দেওয়া বিহিত। এখনকার শিক্ষিত হিন্দু যুবক, যদি মাকালপূজা, বষ্টিপূজা, ঘেঁটুপূজা বা প্রতিমাপূজার নূতন রকমেব বৈজ্ঞানিক বশখার তৃপ্ত না হইয়া, প্রাচীন মুনিঋষিদিগেব ন্যায় একমাত্র ঈশ্বরের পূজা কবিতে চায়, তাহাই তাহাদিগকে কবিতে দেওয়া কর্তব্য। বিশ্বাসই ধর্মের মূলভিত্তি, অটল বিশ্বাসেই মুক্তি। যাহার বাহাতে বিশ্বাস,

তাহাকে সেই ধর্মই পালন করিতে দেওয়া কর্তব্য। যাহার
 যাহাতে বিশ্বাস নাই, গুরুজনগণ বা সমাজ বলপূর্বক
 তাহাকে সেই ধর্মে বাধ্য রাখিলে মঙ্গল কোথায় ? ইহাতে
 তাহারও মুক্তি নাই, সমাজেরও মঙ্গল নাই। কেবল ভণ্ড-
 সংখ্যা বাড়িবে মাত্র।

ধর্মের ন্যায় নীতিও মানুষের প্রধান বল। নীতিহীন
 মানুষ পশুর তুল্য। নৈতিক বলে বলীয়ান মানুষের সমাদর
 সর্বত্র সমান। নৈতিক বল কেবল ব্যক্তিগত নহে, জাতিগত
 মহত্বও বৃদ্ধি করে। যে জাতি নৈতিক বলে যত বলীয়ান,
 সেই জাতির উন্নতি, স্থায়ীত্ব ততই প্রবল এবং গৌরব ততই
 অগ্রগামী। অনেক পাশবিক বলের শ্রেষ্ঠতা প্রতিপাদন
 করিয়া থাকেন, কিন্তু পাশবিক বল প্রথমে জয়লাভ করিলেও
 শেষ অবশ্যই নৈতিক বলের নিকট পবাস্ত্রয় স্বীকার করে।
 মুসলমানেরা পাশবিক বলে ভারত অধিকার করিয়াছিলেন ;
 তখন ভাবতের নৈতিকবল বড়ই দুর্বল হইয়া গিয়াছিল,
 মুসলমানদিগের জয় হইল। ধর্ম এবং নৈতিক বলে বলীয়ান
 যুবিষ্টির সিংহাসনে পাশবিক বলে বলী যখন বসিল। কিন্তু
 মুসলমানদিগের সেই পাশবিক বল ক্ষীণ না হইতে হইতেই
 চিরস্মরণীয় আকবর নৈতিক বলের পূজা আরম্ভ করিলেন।
 মুসলমান শাসনশক্তি আবার অন্য উপায়ে দূচ হইয়া পড়িল।
 তখন হিন্দু 'দীল্লিখবো বা জগদীশ্বরো বা' ধূয়া ধরিল। আক-
 বরের মহিমা হিন্দুর ঘরে ঘরে কীর্তিত হইতে লাগিল। আক-

ববেব স্বৰ্গগমনেব সঙ্গে সঙ্গে আবার নৈতিক বল চলিয়া গেল। দুৰ্দান্ত আবঙ্গজেব আবার প্রচণ্ডবেগেব স্ফূৰিত পাশবিক বল প্রয়োগ কবিলেন। চাৰিদিকে তাঁহান শাসনশক্তি বিস্তৃত হইল। কিন্তু তিনিও মবিলেন, পাশবিক বলও একেবাবে নিস্তেজ হইয়া পড়িল, ক্ৰমে ভাবত হইতে মুসলমান শাসন শক্তি বিদূৰিত হইয়া যাইল। আবঙ্গজেব নৈতিক বলে বলীযান হইলে তাহা হইত না। লৰ্ড লিটন, পাশবিক বলে ভারতেশ্বৰ ববে ঘবে আণ্ডণ জালিয়া দিয়াছিলেন, চাৰিদিকে অসন্তোষ-শ্ৰোত বহিয়াছিল, ইংবাজশাসনেব প্রতি ভারতীযগণেব বিজাতীয় ঘৃণা জন্মিয়াছিল, কিন্তু ভাবতেব প্রকৃত হিতৈষী লৰ্ড বিপণ—নৈতিক বলেব পূজক লৰ্ড বিপণ—আত্মাদিগেৰ লড বিপণ, সেই লিটন-প্রদত্ত অনলে নৈতিক বাণী বৰ্ষণ কবিলেন, ইংবাজ-শাসনেব নিকট আবার ভারতীযগণেব হৃদয় কৃতজ্ঞ হইল। হিমালয় হইতে ভাবতমাগৰ পর্যন্ত বাজভক্তিকপ গঙ্গা আবার বঙ্গেভঙ্গে প্রবলতবে প্রবাহিত হইল। নৈতিক বল, ইংবাজজাতিকে দেখাইয়া দিল, সে পাশবিক বল অপেক্ষা কত শ্রেষ্ঠ।

যে জাতি যত দুৰ্বল—যে জাতি যতই পবাধীন, পবপদ-দলিত, পবমুখাপেক্ষী, সে জাতিৰ হৃদয় ততই দুৰ্বল—ততই ক্ষীণ। সে জাতিৰ একটা স্বাভাবিক তীব্ৰতজ—স্বৰ্গীৰতেজ—জলন্ত দীপ্তি প্রায় থাকে না। সে জাতি মনুষ্যত্ব হাবাইয়া ফেলে। স্ফূৰ্ত্ত শিক্ত সবল স্বাধীন জাতি, বিবিদত্ত স্বাভা-

বিক তীব্রতেজ অক্ষত রাখিয়া, মনুষ্যত্ব পাইয়া, নৈতিক চরিত্র উৎকৃষ্ট করিতেই চেষ্টা পায়। সে জাতিব হৃদয় বল—সাহসী। বালকেব বল, সম্বল—ক্রন্দন। দুর্বলজাতির বল সম্বল—ক্রন্দন, প্রার্থনা আর ভিক্ষা। কেবল ক্রন্দন, প্রার্থনা আব ভিক্ষায় জাতিব জীবন চলে না। কাজেই দুর্বলজাতি অন্য উপায় অবলম্বন কবে। অন্য উপায়ে স্বার্থ পূরণ কবিয়া লয়। যে জাতিব দেহ সবল, হৃদয় সবল, সে জাতি নির্ভয়ে দর্পের সহিত অগ্রসর হইয়া, সত্যেব জন্য প্রাণপণে সংগ্রাম করিয়া, স্বীয় স্বার্থ পূরণ করিয়া লয়। আর দুর্বলহৃদয় জাতি সেই ক্রন্দন, প্রার্থনা এবা ভিক্ষায় সফল না হইয়া, শেষে প্রবঞ্চনা, ঠাট্টা, ছলনা, মিথ্যাকথা প্রভৃতি সংগ্রহ করিয়া স্বার্থ পূরণের চেষ্টা পায়। নীতির বাজারে সত্যেব ব্যবসা কবিতেই মনুষ্যমাত্রে জগদীশ্বরের দ্বারা আদিষ্ট। সত্যেব মূল্য সর্বোপেক্ষা অধিক। সত্যের ব্যবসা করিতে গেলে, সত্যবন্ধা করিবার জন্য সবলহৃদয়ের প্রয়োজন। সত্যেব সম্মান রক্ষাব জন্য নির্ভয়ে অগ্রসর হইবার প্রয়োজন। দুর্বলহৃদয় জাতিব সে ক্ষমতা থাকে না। কাজেই সে জাতি, নীতির বাজারে নির্ভয়ে মিথ্যার বাজবা খুলিয়া বসে। সেই মিথ্যাকেই খাঁটি সত্য বলিয়া—খাঁটি মাল বলিয়া, ক্রেতাদিগের চক্ষে ধূলা দিয়া, সেই সব জাল জিনিস বিক্রয় করিয়া, যথালক্ষ অর্থে জীবন পোষণ কবে। কিন্তু সেই জাল জিনিস বিক্রয় করার কারণ পরিণামে যে তাহাকে উচিত দণ্ড পাইতে হইবে, ইহা

সে ভাবে না। ভবিষ্যতের দিকে তাহার দৃষ্টি নাই—উষরের জ্বালার আত্মস্বার্থ সাধন জন্য বর্তমানের প্রতিই তাহার দৃষ্টি। আমাদের শারীরিক দুর্বলতার উপর হৃদয়ের দুর্বলতা, তাহার উপর আবার নীতিশিক্ষার অভাব। আগে আমরা পিতামাতার নিকট—ঠাকুর দাদার নিকট নীতিশিক্ষা পাইতাম, দেশের রাজা, প্রজাদিগেব নৈতিক চরিত্রের উপরও দৃষ্টি রাখিতেন, এখন তাহার কিছুই নাই। এখন পুত্রের নীতিশিক্ষার দিকে পিতামাতা ভুলেও দৃষ্টি দেন না। ছেলের বাহাতে ইংরাজি শিখিয়া ছুপয়সা আনিতে পারে, ইহাই পিতামাতার চেষ্টা। পাঠশালার গুরুমহাশয় চাণক্য শ্লোক পড়াইয়া নীতিকথার আলোচনা করেন বটে, কিন্তু আর একদিকে ছাত্রকে বাটী হইলে তামাকু চুবি করিয়া আনিবার আজ্ঞা দেন। না আনিলে ঠেকাইতে—নাড়ু গোপাল সাজাইতে আবস্ত করেন! বিদ্যালয়ে পণ্ডিত বা মাষ্টার মহাশয় নিজে নীতির কোন ধার ধারেন না, নীতিশিক্ষার কোন ব্যবস্থাও নাই, ছাত্রের নৈতিক চরিত্রগঠনের দিকে কাজেই দৃষ্টি নাই। রাজা বিজাতীয় হইলেও শিক্ষিত সভা, কিন্তু রাজার প্রতিষ্ঠা ধর্মসম্বন্ধে শিক্ষা দেওয়া হইবে না। কাজেই বিশ্ববিদ্যালয়ে ঈশ্বরশূন্য শিক্ষার স্রোত বহিতেছে। কোন বিশেষ ধর্মগ্রন্থ শিক্ষা নাই দাও, নীতিশিক্ষাও তা দিতে পার, কিন্তু গবর্ণমেন্ট তাহাও দিবেন না! কাজেই আমরা দুর্বলদেহ—দুর্বলহৃদয় হইলেও নীতিশিক্ষা দ্বারা যেটুকু

নৈতিকবল সঞ্চয় কবিতে পারিতাম তাহাও পাইবার আশা
নাই।

ছোট লাট সাঁব রিভার্স টমসন বাহাদুর, এখনকার ছেলে-
দের উপর বড়ই নারাজ। তাহাও পিতামাতা গুরুজন-
দিগকে মান্য করে না, দেখিলে শ্রণাম নমস্কাব করে না,
তাহারা বড়ই উদ্ধত। এই জন্যই ঢাকা এবং কুষ্মনগবেব
পুলিশ, যখন দলে দলে ছেলেদের ধরিয়া হাজতে বাখে,
ইংরাজ মেজিষ্ট্রেট ছেলেদের জেলে দেন, আর বহুবমপুবেব
কলেজের প্রিন্সিপাল মিঃ লিভিংষ্টোন যখন ১০১ বেত্রাঘাত
দণ্ডের ব্যবস্থা করেন, তখন ছোট লাট তাহাদিগের পক্ষ
সমর্থন করিয়াছিলেন। কিন্তু ছোট লাট একবাব ভাবিয়াও
দেখেন নাই, যে গবর্ণমেন্টের দোষেই ছেলেরা এইরূপে
ছেলেমি করিতেছে, উদ্ধতস্বভাব হইয়া মাতিয়া উঠিতেছে।
তিনি ভাবিয়া দেখেন নাই—এখনও দেখিতেছেন না, যে
কেবলমাত্র নীতিশিক্ষার অভাবেই ইহা ঘটতেছে। পুলিশেব
কলের গুঁতা বা জেলের ঘানিগাছে নীতিরূপ তৈল বাহিব
হয় না, গবর্ণমেন্ট ইহা যতদিন না জানিবেন, ততদিন যুবক-
দিগের নীতিশিক্ষার অভাব এইমতই থাকিয়া যাইবে।

• আত্মার দায়িত্বপালন জন্য ধর্ম এবং নীতির সাহায্য গ্রহণ
করিতে যদি সমগ্র মানবজাতি অন্তরের সহিত অগ্রসর হইত,
তাহা হইলে, মানবজাতির স্বক্কে অন্য কোন প্রকার দায়িত্ব
ভার অর্পিত হইত না, পৃথিবী শান্তিসলীলে পূত এবং স্বর্গীয়

সৌরভে আমোদিত হইতে পারিত। মনুষ্য আত্মার দায়িত্বপালনে বিমুখ বলিয়াই অপব কতকগুলি দায়িত্ব আসিয়া অগত্যাই দেখা দিতেছে এবং সেই দায়িত্বপালন জন্য মনুষ্যকে পাশবিক বল প্রভৃতির আশ্রয় লইতে হইতেছে।

শারীরিক দায়িত্বপালন।

জীবসাধারণের পক্ষে শারীরিক দায়িত্ব অবশ্য প্রতিপাল্য সহজ দায়িত্ব। শরীরের দায়িত্বপালন এবং শরীর রক্ষা না করিলেই জীব ইহজীবনে বিষময় ফল পায়। কিন্তু পবিত্রতাপেব বিষয় বে, বাঙ্গালীজাতি এক্ষণে উন্নতিশ্রোতে গাভাসান দিলেও শারীরিক দায়িত্বপালনে বড়ই বিমুখ। শারীরিক বলই জগতের বর্তমান অবস্থার মনুষ্যের স্বত্ব, অধিকার, এবং স্বাধীনতা রক্ষার প্রধান উপায়। দুর্বলের দুর্গতি চিবপ্রসিদ্ধ। বাঙ্গালীজাতি মানসিক বলে সকল জাতির সহিত সমকক্ষতা—স্বলবিশেষ্য শ্রেষ্ঠতা প্রদর্শন করিতে সক্ষম হইলেও শারীরিক বলে জগতেব সকল জাতিব পশ্চাতে পড়িয়া আছে। ইহার কারণ শারীরিক দায়িত্বপালনে পবাসুখতা। দেশেব পবিবর্তিত জল বায়ু, বা সামাজিক অনিষ্টকারক আচার ব্যবহাব আমাদিগেব যত না শারীরিক অনিষ্ট কবিতেছে, আমবা নিজে ইচ্ছা করিয়া তদপেক্ষা সহস্রাংশে অনিষ্ট করিতেছি। একদিকে আমবা উচ্চশিক্ষা পাইয়া উন্নতির দিকে একপদ অগ্রসর হইতেছি, অত্ৰদিকে শারীরিক দুর্ব-

লতা—শারীরিক শ্রমকাতরতা—শারীরিক বলসঞ্চয়ে অমনো-
 যোগিতা এবং বিলাতী বিলাসিতা আমাদেরকে পাঁচ পা
 পেছনে ঠেলিয়া ফেলিতেছে। শারীরিক বল কেবল আত্ম-
 রক্ষার জন্য নহে, সমাজ, জাতি এবং জন্মভূমি রক্ষার জন্য ও
 প্রয়োজন। মানসিক উৎকর্ষতার সঙ্গে সঙ্গে শারীরিক বল
 সঞ্চয়—শারীরিক শ্রম অশ্য প্রয়োজনীয়। বিশ্ববিদ্যালয়ের
 উচ্চশিক্ষা আর কিছু করুক না করুক, নব্য যুবকদিগের শরী-
 রের সমস্ত রক্ত কেবল চুষিয়া খাইয়া, মাথার ভিতর খডকুটা
 গুঁজিয়া ছাড়িয়া দিতেছে। বিশ্ববিদ্যালয়ের উপাধিধারিগণ
 এখন মাথার জ্বালায় আর সেই সঙ্গে সঙ্গে পেটের জ্বালায়
 পাগল। আমরা রাজনৈতিক আন্দোলনে—শিক্ষায় ভারতেব
 অন্যান্য জাতিকে পশ্চাতে রাখিয়া অগ্রসর হইলেও—আমরা
 ভারতের রাজনৈতিক নেতা উপাধি পাইলেও একমাত্র জাতি-
 গত দুর্বলতার কারণ আমাদের উন্নতিবিদ্বেষিগণ কি বলি-
 তেছে? এই যে আজকাল বাঙ্গালার চারিদিকে অদৃষ্টপূর্ব
 রাজনৈতিক আন্দোলনরূপ অনল জ্বলিয়া উঠিয়াছে, এই যে
 হাজার হাজার রায়ত, সভা কবিয়া রাজনৈতিক শিক্ষা দীক্ষা
 গ্রহণে অগ্রসর হইতেছে, এসকল দেখিয়া আমাদের চির-
 শক্ররা কি বলিতেছে? তাহা বা বলিতেছে, হাজার হাজার
 বাঙ্গালী মিলিয়া সভা করে করুক—ভয় নাই, ক্ষতি নাই,
 কিন্তু তাহাদিগের আদর্শে যেন উত্তর পশ্চিমাঞ্চলের সবল
 জাতিসমূহ একরূপ সভাসমিতি করিতে না শিখে। একথা

গুলিতে কি বুঝায় ? এখন দশ বিশ হাজার বাঙ্গালী, সভা করিয়া একত্র জমা হইলে, আমাদিগকেই শান্তিরক্ষার জন্য পুলিশের সাহায্য চাহিতে হয়। সেই শান্তিরক্ষার জন্য পুলিশের ফী পর্য্যন্ত আমাদিগকে ঘর হইতে দিতে হয়। কিন্তু আজি যদি লাহোরে দশ হাজার শিখ, লক্ষ্যে দশ হাজার মুসলমান, আলাহাবাদে দশ হাজার হিন্দুস্থানী, পুনায় দশ হাজার মহারাষ্ট্র, আজমীরে দশ হাজার রাজপুত সমবেত হয়, তাহা হইলে কি দেখিতে পাই ? পুলিশ কি তখন ফী না পাইলে যাইব না বলে ?—তখন খোদ' মেজিষ্ট্রেট বাহাদুর মহা বিপদ গণিয়া রাজ্যের পুলিশ প্রহরী লইয়া শান্তিরক্ষার জন্য দৌড়ান। তারে তারে মিনিটে মিনিটে বাজপুকুৰদিগের মধ্যে কত কি খবরাখবর চলে। ক্যান্টনমেন্ট এবং কেল্লার সমস্ত ব্রিটিশ সৈন্য তলোয়ার, বন্দুক, গুলিগোলা লইয়া প্রস্তুত থাকে, আর ইংলিশম্যান ও পাইওনিয়ার সল্লাদক তখন মুহূর্তে মুহূর্তে মুচ্ছা যান। কেন এদৃশ্য দেখিতে পাই ? কারণ—তাহারা বলশালী জাতি।

শারীরিক দুর্বলতার জন্য বাঙ্গালীজাতি জগতে কলঙ্কিত, পদে পদে বিদলিত, জগতের প্রত্যেক জাতির পশ্চাতে পতিত। শারীরিক দায়িত্বপালন না করিতে শিখিলে, আমরা কেবলমাত্র উচ্চশিক্ষা এবং রাজনৈতিক অন্বেষণে কখনই জাতি নামে গণ্য হইতে পারিব না। ব্যায়াম চর্চা, স্বাস্থ্যবিধান পালন, স্থানসিক প্রমের সঙ্গে সঙ্গে শারীরিক পরিশ্রম

এবং বিলাসিতা পরিত্যাগ করা এক্ষণে একান্ত প্রার্থনীয় হইয়া উঠিয়াছে। অমিতাচার, কদাচার, এবং যে সকল সামাজিক প্রাচীন বিধি বর্তমান সময়ের অনুপযোগী এবং আমাদের শারীরিক অনিষ্টকারক তৎসমস্ত পরিবর্জন এবং সংশোধন প্রার্থনীয়। অন্যাচার, কদাচার এবং পানদোষ প্রভৃতি বিলাতী বিলাসিতা আমাদের দেহের—আমাদের দেশের যে সর্বনাশ করিতেছে, সে গুলি আগে পরিহার করা বিহিত। আমরা তাহা না করিয়া বরং সেই বিলাতী বিলাসিতাতে দিন দিন মাতিয়া উঠিতেছি। তাহাতে আমরাও অধঃপাতে বাইতেছি, সেই সঙ্গে সঙ্গে দেশটাকেও নরকে বদিকে ধাইয়া বাইতেছি।

আমাদের মধ্যে শিক্ষিত ব্যক্তিরাও বলিয়া থাকেন, যে আমরা কি দরওয়ানী করিব, তাই শারীরিক বলের প্রয়োজন? কিন্তু যখন রেলের গাড়ীতে, হাটে বাজারে মেলার আর আফিষে প্রবলের গুঁতা ঘুসি খাইয়া গা ঝাড়িতে থাকি, তখন আপনাদিগকে কি পশু অপেক্ষাও অধম বোধ হয় না? তখন কি সেই প্রতিহিংসা আর বুকের ভিতরের বিষম ছালা বুকে চাপিয়া রাখিয়া, মনের ছঃখে হাত কামড়াই না? যদি সেই গুঁতার বদলে গুঁতা—সেই ঘুষির পরিবর্তে ঘুষি দিতে পারিতাম, তাহা হইলে এতদিনে সেই সবলের গুঁতা ঘুষি কোথায় উড়িয়া যাইত। ঘুষির বদলে ঘুষি দিতে শিখ, কেবল ইংরাজ নহে, সকল জাতিই মনুষ্য বলিবে,

নতুবা পশু। আত্মধিকার—আত্ম অপমান বোধ না জন্মিলে, সেই গুঁতাব বদলে গুঁতা দিতে শিখিব না। পশু ভিন্ন এজগতে কাহাব আত্মধিকার এবং আত্ম-অপমান বোধ নাই?

আমাব যতই আমবা বিলাতী সভ্যতা—বিলাতী বিলাসিতার অনুসরণ কবিতেছি, ততই দুর্বল, ততই দেহ ভগ্ন রুগ্ন হইয়া যাইতেছে। ততই আমাদের মৰ্য্যে অকালমৃত্যু প্রবল হইতেছে। যে জাতি যতই বিলাসী, সেই জাতির পতন ততই নিকটবর্তী। ইংবাজের স্ত্রাব প্রবল মানসিক শ্রম কবিতে শিখিবাছি, কিন্তু শাবীরিক শ্রম কবিতে শিখি নাই। সেইজন্য চিন্তাশীল কৃষ্ণদাসের অকালমৃত্যু, সেইজন্যই চিন্তাশীল কেশবচন্দ্রের অকালে স্বর্গাবোহণ, সেইজন্য হাবলানাথ মিত্রের অকালে পরলোক প্রাপ্তি। সেইজন্যই বিশ্ববিদ্যালয়ের উপাধিধাৰীদিগের মৰ্য্যে অবিকংশেবই যৌবনে জরা দেখা যায়। মানসিক শ্রমের সঙ্গে সঙ্গে যদি আমবা শাবীরিক শ্রম কবিতে শিখিতাম, তাহা হইলে জননী বঙ্গভূমি অকালে উপযুক্ত পুত্রহীনা হইতেন না।

আমরা ইংবাজের সদগুণগুলি লইতে শিখি নাই, মন্দগুলি লইতেই আমরাদিগের বাবু এবং বিবিদের যত্ন। শারীরিক শ্রমটা বাস্তবিকই আমবা দবোমান আব কুলীর পক্ষে দরকাব জ্ঞান করি। বৃদ্ধ মন্ত্রী গ্লাডষ্টোন, তিনি সাতাত্তরে বুড়ো, তিনি কেন কুঠার লইয়া বাগানের বড বড গাছ কাটেন?—কেন? -জাহার উদ্যানে কি মালা নাই? বৃদ্ধ গ্লাডষ্টোন

রাজমন্ত্রীপদ গ্রহণ জন্য উইণ্ডসব রেলওয়ে স্টেশন হইতে উইণ্ড-
 সর প্রাসাদে গায়ে হাঁটিয়া গমন কবেন। কেন? তাঁহার কি
 একখানা ভাড়াটীয়া গাড়ীও জুটে না?—সংবাদপত্রে পড়িতে
 পাই, মন্ত্রীস্বর গ্লাডষ্টোন, লণ্ডনের রাজপথে হাঁটিয়া যাইতে
 যাইতে একজনকে গাড়ীচাপাৰ মুখ হইতে রক্ষা কবেন। গ্লাড-
 ষ্টোন এখন ইংবাজজাতিব রাজা বলিলে অত্যাঙ্কি হয় না,
 কিন্তু কেন তাঁহাকে আমরা এত শাবীরিক শ্রম কবিত্তে
 দেখি? একা গ্লাডষ্টোন নহে, ইংরাজমাত্রেই শাবীরিক
 দায়িত্ব পালন কবিত্তে—অথোচিত পরিশ্রম করিতে সবিশেষ
 যত্নবান। কিন্তু আমরা কি করি? এই নগরের রাজা মহা-
 বাজগাংক কি ক্রেট কখন বাজপথে তাঁহাদিগেব ভবপারা-
 বার পাবকাবণ চবণযুগল অর্পণ কবিত্তে দেখিযাচ্ছেন?
 তাঁহাবা ক্ষীরসব ননীমাখন খাইয়া ভুঁড়ি বাড়াইতেছেন। তাহার
 বল কি হইতেছে? ভূত্যা যতক্ষণ না স্নান করাইয়া দিবে, তত-
 ক্ষণ স্নান হইবে না, যতক্ষণ না একপাত্র ভূষ্ণার জল দিবে,
 ততক্ষণ ভূষ্ণা নিবৃত্তির উপায় নাই, যতক্ষণ না যুববাজ অঙ্গ-
 দেব লাম্বুলস্বরূপ আলবোলার নলটী মুখের কাছে তুলিয়া
 দিবে, ততক্ষণ ধূমপান হইবে না। কেবল তাঁহাবা গোত্রাসটী
 মুখে তুলিয়া লয়েন, বলা বাহুল্য যে, তাহাও অতি কষ্টে।
 তাঁহাব জন্য ঈশ্ববকে অংশ্যই তাঁহাবা অপবাধী জ্ঞান করেন।
 ধনীলোকদিগের কথা ছাড়িয়া দিলেও মধ্যশ্রেণীর লোকেবাও
 আজকাল ইংবাজি পড়িয়া, সভ্যতার দোহাই দিয়া ঘাবু হইয়া

পড়িতেছেন—গতরের মাথা খাইতেছেন। শারীরিক দায়িত্ব-পালন না করিয়া আপনারাও মজিতেছেন, আর সেই সঙ্গে সঙ্গে ছেলেপিলেদের আদর্শ দেখাইয়া মজাইতেছেন।

পারিবারিক দায়িত্ব।

মনুষ্যমাত্রেয়ই ইচ্ছা যে রাজা হই, কিন্তু জগদীশ্বর সকলেরই সেই ইচ্ছা পূরণ করিয়া দিতেছেন। সংসার এক একটা ক্ষুদ্ররাজ্য স্বরূপ, এবং সংসারের কর্তা সেই রাজ্যেব রাজা। সংসারের কর্তা রাজ-কর্মত্ব লইয়া সংসার চালনা করেন। প্রত্যেকেই তাঁহার আজ্ঞাবহ। স্ত্রী, পুত্র, কন্যা, দাস, দাসী প্রভৃতি সকলেই সেই শ্রাব্য আক্লা পালন করিয়া পুত্রকন্যাগুলি বয়ঃপ্রাপ্ত হইলে—সময় হইলে আবার এক একটা পরিবাররাজ্যের রাজাবাণী হন। বাজার দায়িত্ব যেমন গুরুতর, সংসারের কর্তার দায়িত্বও সেইমত গুরুতর। যে সংসারী সেই দায়িত্বপালন করেন, তিনিই সুখী, তাঁহার সংসারও সুখী-পরিবার রূপে গণ্য। যে গৃহী পারিবারিক দায়িত্বপালনে পরাশ্রুত, তাঁহার সেই সংসাররাজ্যে চিরদিনই অশান্তি এবং বিদ্রোহিতা দেখা যায়। যে গৃহী ধার্মিক, নীতিশীল, উদারচেতা, পরোপকারী, মিষ্টভাষী এবং শিক্ষিত, তাঁহার পুত্রকন্যাগণও প্রায় সেইমত হনেন। কর্তার চরিত্র যেরূপ হইবে, সংসারের অন্যান্য সকলের চরিত্রও সেইমত গঠিত হয়। মনুষ্যের শিক্ষা কেবল বিদ্যালয়ে হয় না,

আলয়েই আগে হর। অতএব পরিবার প্রতিপালনের সঙ্গে সঙ্গে পুত্রকন্যাাদিগকে নীতিশিক্ষা দান গৃহীণী মা ত্রেবই কর্তব্য। তাহাই পাবিবাবিক দায়ীত্বের প্রধান ধাৰা। কিন্তু ছুঃখের বিষয়, যে বর্তমান বাঙ্গালী পিতামাতা, পুত্রকন্যাাদিগের সেই নৈতিক চরিত্র সংগঠনে বড়ই উদাসীন।

সংসাবেব কর্তা গৃহীণী হইতে ভৃত্য এবং পবিচারিকা পর্যন্ত প্রত্যেকেবই নির্দিষ্ট দায়ীত্ব আছে। প্রথম কথা— উপার্জনক্ষম ব্যক্তির পক্ষেই সংসার কৰা কর্তব্য, বাহার উপার্জনশক্তি নাই—সাংসারিক দায়ীত্বপালনেব শক্তি নাই, তাহাব পক্ষে সংসার গলগ্রহস্বরূপ—মৃত্যুস্বরূপ। সংসারিব পক্ষে ন্যাযসঙ্গত উদ্ধারে অর্থোপার্জন কবিয়া, স্ত্রী-পুত্র-কন্যা প্রভৃ-তিকে পালন কৰা কর্তব্য। পক্ষিয়ারেব প্রত্যেকেব শারীরিক, মানসিক, এবং নৈতিক উৎকর্ষনাধনেব প্রতি তাহাব তীব্রদৃষ্টি-দান বিধেয়। গৃহীণীর পক্ষে সংসারের আভ্যন্তরীণ সকল বিষয়ে তত্ত্বাবধানসহ কন্যাগুলিব চরিত্র সংগঠন কৰা কর্তব্য। কেবল পিবানো বাজাইয়া, উল বুনিয়া, নাটক নবেল পড়িয়া দিন কাটাইলেই গৃহীণীব কর্তব্য কাজ হর না। মা যেমন হর, মেয়েও সেইমত আদর্শ স্বীয় চরিত্র গঠন করে। পুত্র কন্যাব পক্ষে পিতামাতাব প্রতি যথোচিত ভক্তি শ্রদ্ধা প্রকাশ সহ তাহাদিগের প্রত্যেক ন্যাযসঙ্গত আদেশ পালন কৰা কর্তব্য। পুত্রকন্যা, পিতামাতার কোন অন্যায় আজাই পালন করিতে বাধ্য নহে। পুত্র শিক্ষিত এবং উপার্জনক্ষম হইলে, বৃদ্ধ

পিতামাতাকে পালন কবিতে ঈশ্বরের দ্বারা আদিষ্ট । বাপকে বাগানেব মালী বলিয়া পরিচয় দিতে বা মাকে গুদামভাড়া দিইতে ঈশ্বব আদেশ কবেন নাই । বডই ছুঃখেব বিষয়, যে আজকাল অনেক নামভাদা শিক্ষিত লোক, বাপকে বাগানেব মালী সাজাইতে এবং মাকে গুদামভাড়া দিতে লজ্জিত হইবেন না ।

এখন আম্মদিগেব দেশে পাবিপারিক বিপ্লব উপস্থিত । এখানেভুক্ত পবিবাব প্রথাটা এখনকাব কালেব উপযোগী নহে, শিক্ষিতগণ উহাট টিক কবিয়া, একটু মাথাঝাড়া দিয়া উঠি যাই - দুপয়সা আনিতে শিখিয়াই মা বাপ ভাই ভগ্নিদেব বোনিবা, আপনি আব পত্নি লইয়া, ইংবাজেব স্মাদশে স্বতন্ত্র হইতে চাহেন । তটন, তাকাতে আপত্তি নাই, কিন্তু মা বাপ ভাই ভগ্নিদ নিকট তাঁহাদিগেব যে দায়ীত্ব আছে, সে দায়ীত্ব-পালন না কবিষেন কেন ? কেবল প্রবৃত্তনা পত্নিব ভুল কটি কুড়ি গছনা গড়াইবাব ব্যাঘাত হয় বলিবা, পিতামাতা প্রভৃতিকে ত্যাগ কবিবা, এখানেভুক্ত সংসার প্রথাব মস্তকে পদবাত বদা বধনই কর্তব্য নহে ।

সামাজিক দায়ীত্ব ।

মনুষ্যমাত্রেই সমাজপ্রিয় । একত্রবাস মনুষ্যজাতিব প্রকৃতি । মনুষ্যজাতি কবে, কিকপে সমাজ সংঠন করিতে শিখিয়াছে, তাহাব মূল ইতিবৃত্তী অক্ষুণ্ণাবে আচ্ছন্ন । আমবা বাজবিধি

এবং সামাজিক বিধি এই দুইটীর নাম অনিতে পাই। কিন্তু মূলতঃ দুইটীর উদ্দেশ্য এক—দুইটাই এক জিনিস লইয়া সৃষ্ট। কোন একজাতি বতই শিক্ষাজ্ঞানবলে উন্নীত হব, ততই সেই জাতির সামাজিক এবং রাজবিধি এক হইয়া যাব। ততই সেই জাতির মধ্যে বাজাব স্বেচ্ছাচারিতা বিদূষিত হইয়া—বাজশাসন পর্য্যন্ত বিলুপ্ত হইয়া, জাতিগত স্বায়ত্বশাসন প্রচলিত হইতে থাকে, এবং জাতির হস্তে সামাজিক ও রাজকীর উভয় বিধি সৃষ্ট এবং বক্ষাব ভাব অর্পিত হয়। তখন জাতি নিজে বাজা হইয়া, আপনাকে আপনি শাসন এবং বক্ষা করিতে থাকে। তখন উচ্চপদস্থ ধনবান হইতে নিম্নপদস্থ কৃষক পর্য্যন্তের হস্তে বাজশাসনশক্তি বিভক্ত হইয়া পড়ে। আজকাল ইয়ুবোহপন প্রবান প্রবান জাতির প্রতি দৃষ্টিদান করিলে, ইহাব বিশেষ প্রমাণ প্রাপ্ত হওয়া যায়। যেখানে সামাজিক এবং রাজকীর বিধি বিভিন্ন হস্তে অর্পিত, সেখানে দুইটী স্বতন্ত্র বিভিন্নরূপে গণ্য। আমরাইগেব দেশে তাহাই দেখা যায়।

সামাজিক দায়িত্ব দ্বিবিধ—সহজ এবং গুরুতর। আচার ব্যবহার, বিবাহ, জাহাব, বেশভূষা প্রভৃতি সর্বাঙ্গীয় বিধিগুলি জাতিবিশেষে—সমাজবিশেষে বিভিন্ন। সেগুলি মান্য করিয়া চলাই সহজ দায়িত্ব। দ্বিতীয়—সমগ্র মানবসমাজ লইয়া কতকগুলি সার্বভৌমিক গুরুতর দায়িত্ব আছে। পরস্পরের প্রতি সহানুভূতি প্রকাশ, সকলের মধ্যে একতা

বিস্তার, ভ্রাতৃত্বাব বিস্তার, সাম্য বিস্তার, পরস্পরের উপকার প্রত্যুপকার সাধন প্রভৃতি গুলিই গুরুতব দায়িত্ব। যে সমাজের সমবিক লোক সেই গুরুতব দায়িত্ব পালন কবে, সেই সমাজ, সেই জাতিকে উন্নতির উচ্চতব আসনে সমা-
সীন কবিতা দেয়, এবং যে সমাজ সেই দায়িত্বপালনের
অভাব, সেই সমাজ অবনতি-পক্ষে প্রোথিত হইয়া যায়।
সামাজিক নিয়ম, সামাজিক বিধি ব্যবস্থা, এবং সামাজিক
শাসনশক্তিব উৎকৃষ্টাপকৃষ্টতাব উপব জাতিগত শক্তির দুর্ব-
লতা এবং দৃঢ়তা নির্ভব কবে। যে জাতিব সমাজ যে ভাবে
গঠিত, সে জাতি সেই ভাবেই উন্নত বা অবনতি প্রাপ্ত হয়।

জাতিব প্রত্যেক মনুষ্যকে লইয়াই সমাজ গঠিত, সুতবাং
সমাজেব শাসনশক্তি সমাজেব প্রত্যেক ব্যক্তিব হস্তেই
অর্পিত। যেমন প্রত্যেকেব হস্তে শক্তি অর্পিত, সেইমত
প্রত্যেকেই সমাজেব দায়িত্বপালন কবিত্তে বাধ্য। যে মানব
সেই দায়িত্বপালন করে না, সে সমাজশত্রু—দেশেব শত্রুরূপে
অবশ্যই সমাজ দ্বাবা দণ্ডিত হয়।

সামাজিক সাধারণ রীতি নীতি বিধি ব্যবস্থাগুলি জাতিগত
অবস্থা এবং দেশেব প্রাকৃতিক অবস্থা উপযোগীরূপে সর্বত্র
গঠিত, সংস্কৃত এবং পরিবর্তিত হয়। সেইজন্যই এক জাতিব
কোন সামাজিক নিয়ম প্রণালী অন্যজাতিব চক্ষে বিসদৃশ—
কুসংস্কার বলিয়া বোধ হয়। সেইজন্যই একজাতিব সমা-
জেব কোন একটা বিধি—কোন একটা কার্য, পাপ বা অন্যায়

বলিয়া গণ্য থাকিলেও অন্য জাতি সেই বিধিপালন পাপ বা অন্যায় জ্ঞান করে না। আমাদিগেব দেশে ভাদ্রবধূকে স্পর্শ কবিলেই মহাপাপ। ভাসুর ঠাকুরকে মাথা মুড়াইয়া প্রায়শ্চিত্ত করিতে হয়। কিন্তু ডিউক অব এডিনবর্গ, সেন্টপিটার্সবর্গে বিবাহ করিয়া দেশে ফিরিলেন। লণ্ডনের প্রধান রেলওয়ে ষ্টেশনে ভাবতেশ্ববী অপবাপব পুত্রকন্যাগুলিকে লইয়া, বব-বধূকে ববণ করিয়া লইবার জন্য অপেক্ষা করিতে লাগিলেন। সববধূ বেলগাড়ী হইতে অবতরণ করিবামাত্র স্বাণ্ডী ঠাকুরাণী আদরে বধূকে গ্রহণ করিলে পর ভাসুর মহাশয় প্রিন্স অব ওএলস অগ্রসব হইয়া, নবভাদ্রবধূব মুখচূষন করিলেন। আমাদের দেশে হইলে, প্রিন্স অব ওএলসের ধোবা নাপিত এবং ছকা বন্ধ হইত, এবং তিনি একঘরে হইতেন তাহাব সন্দেহ নাই। এখানে আমরা যেটাকে পাপ বলি—অন্যায় বলি, ঠংবাজ সেটা পাপ বা অন্যায় বলে না। কিন্তু আবার আমরা মনে কবিলেই শ্যালীকে বিবাহ করিতে পারি। শ্যালীকে বিবাহ কবা আমাদের সমাজের মতে অন্যায় বা পাপ নহে। কিন্তু ইংরাজসমাজে শ্যালীকে বিবাহ কবা অন্যায় বলিয়া বিধি আছে। ইংরাজজাতিব অনেকেই এত চেটে কবিয়াও আজ পর্যন্ত পালি রামেন্ট হইতে শ্যালীকে বিবাহ কবিবার বিধি প্রস্তুত করিয়া লইতে পারেন নাই। এখানে ইংবাজ যেটাকে অন্যায় বলে, আমরা সেটাকে অন্যায় বলি না।

কিন্তু সামাজিক আচাব ব্যবহার আহাব পরিচ্ছদ বিবাহ

প্রকৃতি বিধি ব্যবস্থা সকলকালেই সমান বলবৎ থাকিতে পারে না। জাতিগত অবস্থার পরিবর্তনের সঙ্গে সঙ্গেই সময়েব উপযোগীরূপে প্রাচীন বিধিগুলি পরিবর্তিত এবং সংস্কৃত হইয়া নূতন মূর্তি ধারণ করে। এই জন্যই কোন এক সমাজেব একটা বিধি এক সময়ে বিশেষ উপযোগী এবং প্রয়োজনীয় বোধ হইলেও জাতিগত অবস্থার পরিবর্তনে সেই গুলিই আবার অপ্রয়োজনীয় এবং কুসংস্কার বলিয়া গণ্য হয়। সমাজ সংস্কার কোন ব্যক্তি বিশেষেব ইচ্ছায়—বাজবিধির দ্বারা একদিনে হইবার নহে। সর্মথ নিজে সমাজের উপযোগী সংস্কার করিয়া থাকে।

এখন আমাদের দেশে সমাজবিপ্লব উপস্থিত। বাঙ্গালী-জাতি এখন নবজীবন পাইয়া, নবভাবে গঠিত হইতে চলিল, সুতবাং বাঙ্গালীজাতির অবস্থা পরিবর্তনের সঙ্গে সঙ্গে সেই অবস্থার উপযোগী সামাজিক বিধি ব্যবস্থাগুলি সমস্ত নিজে প্রস্তুত করিয়া দিতে উদ্যোগী হইতেছে। এখন প্রাচীনেবা সামাজিক বিধি ব্যবস্থার অবমাননা দেখিয়া—তিবোধান দেখিয়া, মাথার হাত দিয়া কান্না জুড়িয়া দিয়াছেন, আবার নব্যেবা সেই পুরাতন ব্যবস্থার স্থানে নবীন ব্যবস্থা বসাইবার জন্য দ্বিগুণ উৎসাহে উঠিয়া পড়িয়া লাগিয়াছেন। কিন্তু সকল প্রাচীন বিধি ব্যবস্থাই একেবাবে যাইবে না, আবার সকল নূতন ব্যবস্থাই চিরদিনের জন্য সমাজে স্থান পাইবে না। কোনগুলি থাকিবে, কোনগুলি যাইবে, সমস্ত নিজে তাহা স্থির করিয়া

দিবে। তখন আর প্রাচীনে নবীনে হাতাহাতি দেখা যাইবে না।

আমাদিগের সমাজরূপ উদ্যানটী অতীব প্রাচীন, কিন্তু প্রকৃতি, সময় এবং রুচি বলিতেছে, যে উদ্যান সংস্কার প্রয়োজন। সেই প্রকৃতি, সময় এবং রুচি সেই সংস্কারে প্রস্তুত হইতেছে। সমাজের চারিদিকের বেড়া ভাঙ্গিয়া পড়িয়াছে, শাস্তিরূপ সর্বোববটী শুধাইয়া যাইতেছে, সমাজের গোঁববরূপ ক্রীড়াপর্ব্বতটী চূর্ণ হইয়া গিয়াছে। সামাজিক বিধিরূপ পাদপগুলি সাময়িক গ্রীষ্মে পত্রশূন্য এবং সাময়িক রুচিরূপ ঝড়ে গোডাম্বু উপড়াইয়া পড়িয়াছে। সমাজটী এখন পোড়ো জমিতে পবিণত হইতেছে। সমাজ নেতাকরূপ মালী গতিক দেখিবা ভাগিয়াছে। কিন্তু আমাদিগের আব বিলম্ব সহে না, আমবা অধীর হইয়া পড়িতেছি। প্রকৃতি এবং সময় বড় ধীরগতিতে কাজ করিতেছে দেখিয়া, আমবা বাতারাতি উদ্যানটী প্রস্তুত করিয়া লইবাব জন্ত গবর্নমেন্টরূপ বাবরূপ কোম্পানিকে কণ্ট্রাক্ট দিতে চাহিতেছি। রাজকীয় বিধিরূপ বিশ্বকর্মান্ব দ্বারা গবর্নমেন্ট একদিনে এই সমাজরূপ উদ্যান সংস্কার করিয়া দিউন, ইহাই আমাদিগের মধ্যে অনেকের ইচ্ছা।

আবাব অনেকে নিজেই গাঁয়ে মানে না আপনি মোডল, সমাজ সংস্কারে প্রবৃত্ত হইতেছেন। অনেকে উদ্যানে মধুর-গন্ধপূর্ণ বেল জুই গোলাপ বৃক্ষগুলি উপড়াইয়া ফেলিয়া,

বিলাতী সামাজিক বিধিরূপ বিলাতী গন্ধশূন্য ফুলেব গাছ গাছড়া আনিয়া সমাজবাগানে রুসাইতে উদ্যত। কেহ কেহ বা ভিক্টোরিয়া পদ, ক্রোটন প্রভৃতি বিলাতী ভাল ভাল গাছেরও আমদানী করিতেছেন। আবার অনেক নির্ঝোখ, গোবব আবর্জনা প্রভৃতি যেখানে যাহা পাইতেছে, তাহা আনিয়া এই পোডো সমাজ জমিতে ফেলিতেছে। তাহা বা বিলাতী রুচিরূপ ড্রেনেব সাহায্যে এইগুলি আনিয়া সমাজ জমিকে সন্ট ওয়াটার লেকে পরিণত করিতে চাহিতেছে। দুর্গন্ধে আমাদের প্রাণ যায়। আবার সমাজের যে সকল বিধিরূপ পাদপ পচিয়া ধমিয়া দুর্গন্ধ বাড়াইতেছে, অনেকে সেগুলিকে কোন মতেই ছাড়িতে চাহিতেছে না—সেগুলি ভাল ভাল ভাল বলিয়া, সেগুলিকে লইয়া মাটি কামড়াইয়া পড়িয়া আছে। কিন্তু এসব কাণ্ডকারখানা দেখিয়া প্রকৃতি আব সময় হাসিতেছে। তাহা বা এখন ভাবিতেই নিযুক্ত, এখনও গড়িতে আরম্ভ কবে নাই। বখন গড়িবে, যেটা বাখিবাব সেইটা বাখিয়া, বাকি সব ঝাটাইয়া ফেলিয়া দিবে।

স্বভূ এবং জাতিগত দায়িত্ব।

পূর্বেই বলা হইয়াছে যে, সামাজিক এবং জাতিগত দায়িত্ব এক। কিন্তু আমাদের জাতিগত দায়িত্ব, স্বভূ, স্বাধীনতা, এবং অধিকাংশের অবস্থা না কি এক্ষণে বড়ই শোচনীয়, সেগুলি নাকি একেবারে বিলুপ্ত প্রায়, আমাদের সামাজিক-

স্বত্ব, স্বাধীনতা, অধিকার হইতে জাতিগত স্বত্ব, স্বাধীনতা, অধিকার ন্যূন বিচ্ছিন্ন হইয়া রহিয়াছে, কতকগুলি ন্যূন একেবারে বিলুপ্ত হইয়া গিয়াছে, কতকগুলির নূতন প্রতিষ্ঠা হইতেছে, এবং অনেকগুলির ন্যূন প্রতিষ্ঠা—নূতন সংগ্রহের প্রয়োজন, সেইজন্য এখানে জাতিগত দায়িত্ব, স্বত্ব, স্বাধীনতা এবং অধিকার সম্বন্ধে স্বতন্ত্রভাবে কিছু বলার আবশ্যিক।

হস্ত পদ নাসিকা প্রভৃতি লইয়া যেমন শরীর গঠিত, সেইমত সম্ভ্রান্ত ধনবান—মহান পণ্ডিত হইতে পথেব ভিখারী এবং নিবন্ধক কৃষক পর্য্যন্তকে লইয়া জাতি গঠিত। যেমন হস্তপদাদির মধ্যে কোন একটি অঙ্গ পীড়িত হইলে, সকল অঙ্গই অসুখ বোধ কবে, সেইমত জাতিব যে কোন শ্রেণীক কোন একটি মনুষ্য উৎপীড়িত হইলে সমগ্র জাতির পক্ষে উৎপীড়িত বোধ হওয়া কর্তব্য। সকলকে লইয়াই জাতিব গঠন, সকলেরই জাতিগত সমান স্বত্ব আছে, এবং সকলের উপরই জাতিগত দায়িত্ব-পালনভাব সমভাবে অর্পিত। মনুষ্যের শারীরিক, মানসিক বা আর্থিক অবস্থা যতই কেন বিভিন্ন হউক না, যতই কেন তাবতম্য থাকুক না, স্নায়ের চক্ষে সকলেই স্বত্ব, স্বাধীনতা সমান। স্নায়ের চক্ষে রাজা প্রজা নাই—শাসা শাসক নাই। মিল বলেন, প্রত্যেক মনুষ্যই স্বাধীনভাবে চিন্তা, স্বাধীনভাবে মতবাদ প্রকাশ, এবং স্বাধীনভাবে কার্য্য কবিলে ক্ষমবান। যতক্ষণ না সেই চিন্তা, মতবাদ এবং কার্য্য, সমাজবা জাতির

কোন অনিষ্ট কবিতেনে, ততক্ষণ সমাজ বা জাতি তাহাব কোন বাধা দান কবিবাব অধিকাৰী নহে। যাহা সমাজেব অনিষ্টকাৰী, সমাজ বা জাতি তাহাই নিবাবণ কৰিতে পাবে। মিলেব একথাগুলি অমূল্য। ইহাই মনুষ্যেব স্বত্বস্বনন্দ— চাৰ্টাৰ। জগদীশ্বৰ এই সনন্দ আমাদিগকে দিরাছেন। এই সনন্দ যে ব্যক্তি লোপ কৰিতে চাহে, সেই-ই জাতিৰ শত্ৰু। সেই শত্ৰুৰ বিৰুদ্ধে দণ্ডাযমান হইতে আনবা এই বিধিদত্ত সনন্দ বলে গ্ৰাযমত স্বত্ববান। সমাজশাসন-দণ্ড যেমন প্ৰত্যেক মনুষ্যেব হস্তে অৰ্পিত, জাতিগত স্বায়ত্বশাসনেব ভাব সেইমত জাতিৰ প্ৰত্যেকেব হস্তে অৰ্পিত। তবে প্ৰত্যেকেব পক্ষে একত্ৰ সমাবদ্ধ হইয়া শাসনকাৰ্য্য সমাধা কবা অসম্ভব। অপব প্ৰত্যেকেব নৈতিক, মানসিক এবং জ্ঞানবল সমান নহে বলিয়াই যাহাবা সেই বলে বলীযান, তাহাদিগকেই জাতিৰ নেতাস্বৰূপে মান্ত কৰিয়া, তাহাদিগেব হস্তেই শাসনকাৰ্য্য পৰিচালনাৰ ভাব দেওয়া বিহিত। সভ্যজগতে তাহাই হই তেছে। সেই নেতাগণ—সেই প্ৰতিনিধিগণ জাতিসাধাবণেব মতবাদানুসাৰেই শাসনকাৰ্য্য কৰিতে বাধ্য। সুতবাং সংখ্যা বদ্ধ প্ৰতিনিধিৰ হস্তে শাসনভাব থাকিলেও মূলতঃ জাতিই সেশ্বলে জাতিকে শাসন কবে। ইহাই নান প্ৰকৃত স্বায়ত্ব-শাসন, প্ৰকৃত জাতিগত স্বত্ব লাভ এবং জাতিগত স্বাধীনতাৰ অমিৰময় ফলভাগ।

বিখ্যাত ফৰাসী নীতিজ্ঞ বোদনপিয়াব, জাতিগত স্বত্ব,

স্বাধীনতা, অধিকার এবং দায়িত্ব সম্বন্ধে যে মন্তব্য প্রকাশ
করেন, তিনি নিজে স্বদেশে সেই মন্তব্যগুলি কার্যে পরিণত
করিতে সমর্থ হন নাই বটে, কিন্তু এম্মনে তাঁহার জন্মভূমিতে
সেই মন্তব্যের অধিকাংশই কার্যে পরিণত হইয়াছে। রোবস্-
পিয়াবের ব্যক্তিগত বাজনৈতিক কাৰ্য্য যতই কেন বিরোগান্ত
এবং বক্তাক্ত বলিয়া অগ্র জাতির চক্ষে দৃষ্ট হইত না, কিন্তু
তাঁহার এই মন্তব্যগুলি অবশ্যই গায়সঙ্গত বলিয়া বোধ হব।

তাঁহার প্রথম বিধি—প্রত্যেক মনুষ্যের স্বভাবদত্ত স্বত্ববক্ষা
এবং তাঁহার প্রত্যেক সঙ্গুণের স্বত্তি এবং বিস্তৃতির সহায়তা
সাধন করাই প্রত্যেক বাজনৈতিক সভার মুখ্য উদ্দেশ্য।
দ্বিতীয় বিধি—জাতির দ্বারা স্বীয় জীবন এবং স্বাধীনতা রক্ষা
করা যায়, তাহাই মনুষ্যের প্রধান স্বত্ব। তৃতীয়—একটি জাতির
সমস্ত লোকের মধ্যে পদস্পর্ষের নৈতিক এবং শারীরিক বলের
যতই কেন বিভিন্নতা এবং ভাবভঙ্গ্য থাকুক না, সেই প্রধান
স্বত্বটি সকল মনুষ্যেরই সমভাবে আছে। ধনবান, বিদ্বান,
এবং বলবানের গায় দ্বিভ্র, দুর্বল এবং মুর্থও সেই প্রধান
স্বত্ব স্বত্ববান। সমাজ এবং প্রকৃতি সেই স্বত্বের সমতা স্থাপন
করিয়া দিয়াছে ; সেই স্বত্ববিনাশ করা দূবে থাকুক, পাশবিক
অত্যাচার এবং স্বেচ্ছাচার সেই স্বত্বকে কাল্পনিকতায় পরিণত
করে বলিয়া, সমাজ এবং প্রকৃতি সেই স্বেচ্ছাচার এবং অত্যা-
চারের হস্ত হইতে সেই স্বত্বকে রক্ষা করে। চতুর্থ—প্রত্যেক
মনুষ্য স্বাধীনতারূপ শক্তির দ্বারা আপন ইচ্ছামত স্বীয় মান-

মিক সমস্ত বৃত্তি পবিচালনা কবিত্তে অধিকাৰী। ন্যায়, সেই স্বাধীনতাৰ পঞ্চদৰ্শক, অপৰেৰ স্বত্ব এবং অধিকাৰ সেই স্বাধীনতাৰ সীমা নিৰ্দ্ধাৰক, প্রকৃতি তাহাৰ মৌলিক নীতি বিধায়ক, এবং আইন সেই স্বাধীনতাৰ পক্ষসমর্থক। প্ৰথম—যাহা অনিষ্টসাধক, আইন তাহাই নিবারণ কবিত্তে পাবে, এবং যাহা সমাজেৰ বা জাতিৰ উপকাৰক তাহাই কবিত্তে আজ্ঞা দিত্তে পারে। ষষ্ঠ—আইন অনুসাবে প্রত্যেক অধিবাসী যে সম্পত্তি সন্তোগ করে, তাহাবেই সম্পত্তিৰ অধিকাৰিত্ব বুঝায়। সপ্তম—কোন প্রকাৰ কাজকৰ্ম্ম প্ৰাৰ্জন কবিয়াই হউক, বা যাহাবা শ্রমসাধ্য কাজকৰ্ম্ম কবিত্তে অসমর্থ, তাহাদিগেৰ জীবনধাবণেৰ উপায় নিৰ্দ্ধাৰণ কবিয়াই হউক, প্রত্যেক ব্যক্তিৰ আত্মপালনেৰ জন্তু উপায় নিৰ্দ্ধাৰণ কবিয়া দিত্তে লম্বাজ অবশ্য বাধ্য। অষ্টম—অক্ষম ব্যক্তিদিগেৰ যে সাহায্যেৰ প্রয়োজন, সে সাহায্যাটী কি ? সেটী দরিদ্রদিগেৰ নিকট হইতে গৃহীত ধনীদিগেৰ ঋণস্বরূপ। সেই ঋণ কিরূপ প্ৰণালীতে পরিশোধ কবা বৰ্ত্তব্য, আইন তাহা নিৰ্দ্ধাৰণ কবিয়া দিবে। নবম—যে সকল অধিবাসীৰ কেবলমাত্র আত্মপালনেৰ উপযোগী আয় আছে, তাহাবা সাধাবণ শাসন-কাৰ্য্যেৰ ব্যয় দান হইতে নিষ্কৃতিৰ পাত্ৰ। অবশিষ্ট সকল লোক স্বীৰ স্বীৰ আয়েৰ উপযোগী স্বায়ত্বশাসন-ব্যয় দান কবিত্তে বাধ্য। প্রজাব কর দিবাব কৰ্ম্মতা না থাকিলে, সুলভ্য গণদৰ্শমেণ্ট যেমন তাহাব ঘটা বাটী ঘৰ ঘাব বেচিয়া

লেখন, কোর্স্পিয়ারেব মতে তাহা ন্যায্যবিকল্প এবং অত্যা-
 চার। দশম—জাতিসংঘের 'ক্লোনোমি' সাধন এবং
 যাতাতে জাতিব প্রত্যেক ব্যক্তি বিদ্যাশিক্ষা লাভ কবিত্তে
 পাবে, সমাজ স্রীষ সমস্ত শক্তি প্রয়োগে—প্রত্যেক উপায়ে
 সেই বিষয় সাহায্য কবিত্তে বাধ্য। শিক্ষাই জাতিগত উন্নতিব
 মূল। যে জাতি যত শিক্ষিত, সেই জাতিব উন্নতি ততই
 উৎকর্ষতা পায়। কোর্স্পিয়ারেব মতে কেবল বডলোকদিগেব
 জন্য স্কুল কলেজ কবিলে চলিবে না, জাতিব প্রত্যেক
 লোককে বিদ্যাশিক্ষা দিবাব ব্যবস্থা কবিত্তে সমাজ বাধ্য।
 একাদশ—অধিবাসী সাধারণেই বাজা, শাসনেই তাহাদিগেব
 কার্য, শাসনেই তাহাদিগেব স্বত্ব এবং সাধারণ কন্মচাৰিগণ
 তাহাদিগেব ভুক্ত্য। অধিবাসিরা' আপনাদিগেব আবশ্যক
 এবং ইচ্ছামত শাসনপ্রণালী পৰিৱৰ্ত্তন এবং যে কোন বিধান
 পৰিবৰ্ত্তন কবিত্তে পাবে। দ্বাদশ—আইনেব চক্ষে সকলেই
 সমান। ত্রয়োদশ—কেবল গুণ এবং বুদ্ধি ব্যতীত অন্য কোন
 বিষয়ে পার্থক্য না কবিয়া, প্রত্যেক অধিবাসীকেই জাতিব
 শাসনকার্যেব যে কোন পদেই নিযুক্ত কবিত্তে সমাজ বাধ্য।
 অর্থাৎ বাহ্যিক কোন গুণ নাই—বুদ্ধি নাই, সে ছাড়া আব
 সকলেই যোগ্যতানুসাবে শাসনকার্যেব যে কোন পদে প্রবেশ
 কবিত্তে অধিকাৰী। চতুর্দশ—প্রত্যেক অধিবাসীই জাতি-
 সাধারণেব প্রতিনিধি নির্বাচন এবং আইন প্রণয়নকালে
 মতদান কবিত্তে সমানরূপে অধিকাৰী। পঞ্চদশ—যাহাতে

অধিবাসী সাধাবণেব সেই স্বত্বগুলি কেবল নামমাত্র না হয়, এবং সেই স্বত্ব যাহাতে কেবল কল্পনায় পবিণুত না হয়, তুচ্ছন্য জাতি, সাধাবণ কৰ্মচাবিগণকে বেতন দান করিতে বাধ্য এবং যে সকল অধিবাসী কেবলমাত্র শাবীরিক পবিশ্রম দ্বাবা জীবিকা নিৰ্ব্বাহ কবে, প্রচলিত আইন, তাহাদিগকে উপতিসাধাবণ সভাব উপস্থিত জন্য আহ্বান কবিলে, যাহাতে তাহাদিগেব নিজেব এবং পবিবাবেব জীবিকাযাত্রাব কোন ব্যাঘাত না ঘটে, একপ উপায় নিৰ্ব্বাহণ কবিত্তে সমাজ বাধ্য ।

ষোড়শ—অত্যাচাবীর অত্যাচাব উৎপীড়ন নিবাবণ কবা অধিবাসী সাধাবণেব—মনুষ্যমাত্রেব আব একটী স্বত্ব । জাতিব কোন একটী লোক উৎপীড়িত হইলে, সমগ্র সমাজই উৎপীড়িত ঃব ।

সপ্তদশ—সকল মনুষ্যই পবম্পবে ভ্রাতৃসম্বন্ধেব একে আবদ্ধ, সুতবাং জগতেব বিভিন্নজাতি যেন সকলেই একটী দেশেব অধিবাসী এমত জ্ঞান কবিয়া, সকল জাতিবই পক্ষে পবম্পবেব সাহায্য করা বৰ্ত্তব্য ।

অষ্টাদশ—যে ব্যক্তি জাতিব প্রতি উৎপীড়ন কবে, সেই জাতিব শত্রু ।

উনবিংশ—মনবান, স্বেচ্ছাচাবী এবং অত্যাচাবিগণ, জগতেব অধীশ্বব মনুষ্যজাতিব বিকক্ষে এবং বিশ্বেব নিরামক প্রকৃতিব বিকক্ষে বিদ্রোহী ।”

• যদিও বোবম্পিয়াবেব এই বিধানগুলি সম্পূর্ণরূপে কায্যে পবিণুত হয় নাই, কিন্তু ফরাসীজাতি এই মূল বিধানানুযায়ী ব্যবস্থাবলে আপনাদেব কল্পভূমিতে আপনাবা রাজত্ব কবিত্তে-

ছেন। ফ্রান্সদেশেব রাজ্য কবাসীজাতি। ফবাসীজাতি আজি উক্ত প্রকাব, নির্দ্ধাবিত ব্যক্তিগত, সমাজগত, 'জাতিগত স্বত্ব, স্বাধীনতা এবং অধিকাৰ সংগ্রহ করিবা, উক্ত বিধিমত দায়ীত্ব-পালন কবিয়া, আপনারা জীবন্তে স্বৰ্গস্থগভোগসহ জাতিব গোবব বৃদ্ধি কবিতেন। যে পতিত জাতি পুনবার জাতি নামে গণ্য হইতে অভিলাষী, সে জাতিব পক্ষে এই বিধিগুলি— এই দায়ীত্ব স্ববণীষ।

জন্মভূমিগত দায়ীত্ব।

শেষ কথা—শেষ দায়ীত্ব—জন্মভূমিব দায়ীত্ব। জননী এবং জন্মভূমি স্বৰ্গ অপেক্ষা গবীষদী, একথা আমবা পুরুষানুক্রমে শুনিয়া আসিতছি। কিন্তু কথাটা তলিয়া বুদ্ধি না কেন?—কাবণ আমবা জন্মভূমিব কুসস্তান। জননী দশনাস দশদিন জঠবে ধারণ কবিয়া শৈশবে বাল্যে লালনপালন কবেন। কিন্তু জন্মভূমি আনাদিগের সেই জন্ম মুহূৰ্ত্ত হইতে মবণ পর্য্যন্ত সবতনে হৃদরে ধারণ কবিয়া, পালন কবেন। মাতা অপেক্ষা জন্মভূমি শ্রেষ্ঠ, একথা আমরা বলিলে, বাঙ্গালীজাতি নাক সিটকাইবেন বটে, কিন্তু বাহাদিগেব প্রকৃত জাতিত্ব আছে, তাহাবা মুক্তকণ্ঠে তাহা স্বীকাৰ কবে। জন্মভূমিব ঋণ পরি-শোধ মনুষ্যেব পক্ষে অসম্ভব, কেবলমাত্র জন্মভূমিব দায়ীত্ব পালন কবিয়া, আমবা কতকটা কৃতজ্ঞতা প্রকাশ কবিত পাৰি মাত্র। যে দেশে বাহাব জন্ম, সে সেই দেশ—সেই জন্মভূমি

বিজাতীয় আক্রমণকারিব হস্ত হইতে বক্ষা কবিত্তে ঈশ্বরের বিধানানুসারে সর্বাগ্রে বাধ্য—দায়ী। যে দিন হইতে মনুষ্যের জ্ঞান জন্মে, সেই দিন হইতেই মনুষ্য জন্মভূমিব জন্য জীবন উৎসর্গ কবিয়া দিতে বাধ্য। প্রাণ আমাব নিজেব হইলেও এ প্রাণটী জন্মভূমিব জন্য যখন প্রয়োজন হইবে, তখনই প্রদান কবিব, এই প্রতিজ্ঞা কবিত্তে এবং সেই প্রতিজ্ঞা পালন কবিত্তে মনুষ্যমাত্রেই বাধ্য। প্রাণটী আমাব নিজেব, আর কাহাবও নহে, কখনও মবিব না, এই ভাবটী কেবল পতিত জাতিব হৃদবেই স্থান পায়। জগতেব প্রাচীন এবং আধুনিক প্রত্যেক জাতিব প্রতি দৃষ্টি দাও—দেখিবে, সকলেই ধূয়া—জন্মভূমিব জন্য প্রাণ, জন্মভূমিব জন্য দিব। যে কোন পতিত জাতি বতদিন না সেই জন্মভূমিব জন্য প্রাণ বলিদান কবিত্তে শিখে, ততদিন সে জাতি অবশ্যই জগতেব প্রত্যেক জাতিব নিরে পড়িয়া থাকিবে, পবপদে বিদলিত, নিগৃহীত এবং সর্ব-স্বাস্ত্ব হইতে থাকিবে। জন্মভূমি বক্ষা কবাই মনুষ্যেব প্রধান দায়িত্ব। প্রাণ দিয়া, মন দিয়া, ধন দিয়া, সর্বস্ব দিয়া জন্মভূমিকে বক্ষা কবিবাব জন্য আমরা জন্মভূমিব নিকট—ঈশ্ব-
রের নিকট দায়িত্ব-শৃঙ্খলে আবদ্ধ হইয়াছি। ঈশ্বরেব এমত ইচ্ছা নহে, গ্ৰায়েব এমত আদেশ নহে, প্রকৃতিব এমত নিয়ম নহে, যে জগতেব কেবল দুই চাৰিটা জাতি পাশবিক বলে অগ্ৰাণ্ণ জাতিকে শাসন কবিবে, ক্রীতদাসেব গ্ৰায় পদে পদে দলন কবিবে, অগ্ৰাণ্ণ দেশেব সর্বস্ব লুণ্ঠন কবিয়া আপনা-

দিগেব জন্মভূমিব ভাণ্ডার পূর্ণ কবিত্তে থাকিবে । প্রত্যেক জাতিই এদ্রুগতে স্বাধীনভাবে থাকিবা, জন্মভূমিকে স্বাধীন বাখিবা, আপনাদিগকে আপনাবা শাসন কবিত্তে, ইহাই ত্রায়েব চূড়ান্ত বিধি ।

বিজাতীয বিধর্ম্মীয হস্ত হইতে জাতিগত স্বাধীনতা—জন্মভূমিব স্বাধীনতা বক্ষাব জন্য সেই বিজাতিয পাশবিক বলের বিরুদ্ধে প্রচণ্ড পাশবিক বল প্রয়োগ কবিত্তে প্রত্যেক জাতিই ত্রাবেব দ্বাবা আদিষ্টে । আত্মস্বত্ব, আত্মজীবন এবং আত্মস্বাধীনতা বক্ষার জন্য প্রত্যেক মনুষ্য যেনন অপবেব অত্যাচার উৎপীড়ন নিবারণ কবিত্তে অবিকারী, সেইমত জন্মভূমিব স্বত্ব, স্বাধীনতা বক্ষাব জন্য আক্রান্ত জাতি যে কোন উপারে সমস্ত শক্তি প্রয়োগ কবিত্তে অবিকারী । ত্রাব্যস্বত্ব—বিধিদত্ত স্বত্ব বক্ষা এবং জাতিগত দায়িত্বপালন জন্য ন্যায় এবং বিধি, নিজে পতিত জাতিকে বিপক্ষ বক্তে জননী জন্মভূমিকে স্নান কবাইয়া, বিপক্ষ-মুণ্ডমালা গলে দোলাইয়া, বিপক্ষমেব বক্তের অনুষ্ঠান কবিত্তে বলিত্তেছে । সে যজ্জিব ফল—জীবন্তে স্বর্গলাভ । সে বক্তে অনতিলাষের ফল—জীবন্তে নবকবাস । যে জাতি শত শত বর্ষ হইতে পবাধীন, পবপদদলিত, পরপ্রত্যাশী, পবমুখাপেক্ষী, ক্রীতদাস, সে জাতি কখনই স্বাধীনদেশ—স্বাধীনজাতির . জীবন্তে স্বর্গভোগেব কল্পনা ক্রমেও হৃদয়ে আনিত্তে পাবে না , সে জাতিয জাতিত্ব—মনুষ্যত্ব সকলই ঘুচিয়া যায় । সে জাতি তখন পশুব অপেক্ষাও অধম ।

সে জাতি তখন জীবন্তে নববয়স্কা ভোগ কবে, সর্বস্ব অন্য-
জাতিকে দিয়া, সেই অন্যজাতির দয়াব অধীনে থাকিয়া জন্ম-
ভূমির কুসস্তানরূপে উগত পরিচিত হয়। সে জাতির জন্ম-
ভূমি তখন ক্রীতদাসীর ন্যায় উগত বিক্রীত হয়। যে জাতির
পাশবিক বল অধিক, সেই জাতিই তখন সেই ক্রীতদাসীর
সর্বনাশ করিতে থাকে।

তবে কি সেই পতিত জাতি—সেই ক্রীতদাসীরকপিনী
জন্মভূমির উদ্ধাবের আর উপায় নাই? উপায় আছে। সে
উপায়—জন্মভূমিগত দাবীর পালন। উত্তম পত্র, ক্রিয়া প্রতি-
ক্রিয়া প্রকৃতির অগুণীর নিবন। যেমন শারীরিক, সামা-
জিক, জাতিগত এবং জন্মভূমিগত দাবীসমূহ বঞ্চিত হইলে,
জাতিগত—জন্মভূমিগত পতন হয়, সেইমত আবার সেই
পতিত জাতি যদি সেই দাবীসমূহ পূরণ উৎসাহে—
পূরণ উদ্যমেব সজিত—দ্রুত পতিত জাতির সমস্ত উন্নোদ্যম
তাহা হইলে স্বয়ং প্রকৃতি, স্বয়ং ন্যায়, অথবা জগদীশ্বর সেই
পতিত জাতির উদ্ধাব জন্য অভয় তত্ত্ব দিষ্ট করিবার কবিয়া দেন।
জাতি জাতির দ্বারা জাতির বলে গঠিত হয়। পতিত জাতির
পক্ষে জাতিগত—জন্মভূমিগত স্বাধীনতা সংগ্রহেব কতকগুলি
অস্ত্র প্রকৃতি স্বয়ং নিৰ্ম্মাণ করিবার দিয়াছেন। সেই অস্ত্রগুলি
হারাইলেই জাতিগত পতন। সেগুলি কি?—স্বদেশানুবাগ,
একতা, সাহস, উদ্দীপনা, শৌর্য, বীর্য, সৌহার্দ, ভ্রাতৃত্ব,
সাম্য, প্রতিহিংসা, আত্মধিকার, স্বাবলম্বন, আত্মপ্রত্যয়,

আয়নির্ভব, এবং কৃষ্টিসাহিষ্ণুতা প্রভৃতি। এগুলি ব্রহ্মাস্ত্র—অব্যর্থ
 অস্ত্র। এটি অস্ত্রগুলি যদি পতিত জাতি সংগ্রহ করিতে পারে,
 তাহা হইলে সমুদ্রসমুখানেন বিচু্যমাত্র বিলম্ব ঘটে না, তাহা
 হইলে প্রকৃতি নিজে সেই জাতির ভবভেবী বাজাইতে
 থাকেন, সময় নিজে সেই জাতিকে একজন মনুষ্যের ন্যায়
 দণ্ড'দ্বান কবাইয়া তাহাদিগকে স্বগাভিমুখে লইয়া যায়,
 নাথ নিজে সেই জাতির পক্ষাবলম্বন করিয়া, গন্তব্য পথ পবি-
 স্ক'ব করিয়া দেয়, এবং স্বয়ং জগদীশ্বর—সেই অস্ত্রাত অস্ত্রের
 মঙ্গল শক্তি, সেই জাতিকে সাদবে গ্রহণ জগা স্বগেব দ্বাব
 উদ্বাটন করিয়া দেন। তখন স্বাধীনতা এবং শান্তি আসিয়া,
 সেই জাতির ~~অবণ~~ অবণ করিয়া গন। তখন সহস্র চন্দ্র উদিত হইয়া
 সেই জাতির শিবে সঙ্গীত জ্ঞাতি বিকীর্ণ করিতে থাকে।
 তখন পবন, গগণে গগণে—দ্রুমভূমিদ প্রতি প্রান্তে কীকন
 বন্দ—শান্তি—শান্তি—শান্তি।

বিজ্ঞাপন ।

শ্রীযুক্ত বাবু গোপালচন্দ্র মুখোপাধ্যায় কৃত্তক প্রণীত
নিম্নলিখিত পুস্তকগুলি প্রধান প্রধান পুস্তকালয়ে এবং কলি-
কাতা, আহিবীটোলা, ৪০ নং শঙ্কর হালদাৰেব লেনে গ্রন্থকা-
রের নিকট প্রাপ্য ।

মূল্য মাণ্ডল ।

১ । ভিক্টোরিয়া বাজনুঘ (দিল্লীদৰবাৰেব সবিস্তাব ইতিবৃত্ত)	২১	১০
২ । লাভ-জীবনী (অর্থাৎ ভারতেশ্বরী এবং তাঁহাব স্বানিব সবিস্তাব জীবন বৃত্তান্ত)	১৫	১০
৩ । বীরবরণ (ঐতিহাসিক এবং বাঙ্গালৈতিক নবন্যাস)	২১	১০
৪ । যৌবনে যোগিনী (অ্যাননাল থিয়েটেবে অভিনীত)	২১	১০
৫ । পাষণ-প্রতিমা (বেঙ্গল থিয়েটেবে অভিনীত)	২১	১০
৬ । কামিনীকুঞ্জ (ন্যাননাল এবং ষ্টার থিয়েটেবে অভিনীত)	১০	১০

* * * গ্রন্থকাৰেব নিকট হইতে সমস্ত পুস্তক একত্ৰ ক্ৰম
ক'বিলে ০.২৫ টাকার পাওয়া যায় ।

